

NYUMÀ WA BULELÈLÀ



. . . itàbùùjà.

Twǎnjì kushààlaayi biimànyine kuulu bwà katanci kakesè mpindyewu patùdi tusambila apa. Twinyikàayi mitù yètù.

² Taatù wetù mwakàne wa mu Dyulu, patùdi tusemena pabwìpì Neebè mpindyewu mu Dìna didì dikùmbàne mu byònsò dyà Mukalenge Yesù adi apa, tudi baswè kuKupà butùmbi bwà byŪdi mutwènzèle, bwà bìdi mèsù ètù mamòne, ne macì ètù mumvwè mu matùkù aa a ndekeelu a byalu byà dyoya naabì maalu-malonda a buloba ebu, àdi cikondo munkaci mwà kujìminangana mu Cyendèlèlèlè, ne tumòna Makênkè àkenka, tudi bamanyè ne kabyàkunènga mpindyewu ntàntà mule bwà Dilwa dyà Mukalenge Yesù nànsha.

³ Tudi baswè kuKulòmbakù, Taatù wa mu Dyulu, bwà watùvùlukakù dilòòlò edi. Ne kwòkò bubì kampànda munda mwètù, bùmùshèku, Mukalenge, dilòòlò edi, bwà twakùmbanyinakù mwà kuleejiiibwa Kùdi bu ne bivwa bìkèngela bwà Wèwè kulwa dilòòlò edi. Tudi tulòmba bwà babèèdi ne bàdi mu lukèngelu.

⁴ Tudi tulòmba bwà Èkèleeziyà Webè, ne wa apa ne wa ku baabèndè, pa buloba bujimà, bânà Bèèbè myaba yònsò bàà ditùngà ne ditùngà dyònsò, bwà twamònakù mwà kusukula mizàbì yètù mu Mashì a Mwànà wa mùkòòkò, ne kutèèleja dibìikila adi ne: “Mònaayi, Mubàki nya’ wìya. Pàtukàayi nùkatwilàngànè Nendè.” Swàku bwà twìkala bakùmbàne pa dìbà adi, Mukalenge, ku ngàsà wa Nzambì, ne ku dikùmbanyina dyà Yesù Utùdi beeyèmène awu, bwà kulungolola myèndù yètù ne kuya kumpàla dìbà adi bwà kutwilangana ne Mubàki. Angàtaku Dìyi dyà Mukalenge dilòòlò edi ùtengulè myoyi yètù. Pàtulàku bupidyà bwònsò. Tùpèèshèku disangisha dinène. Mu Dìna dyà Yesù mmutùdi tulòmba nùnkù. Amen.

Nudi mwà kusòmbaayi.

⁵ Ncyà bushùwà ne mbilenga be bwà kwikala baalùkile kaaba aka mu . . . mwaba wà cijila ewu wà Mukalenge, dilòòlò edi, mu disangisha. Tuvwa bapicìle mu cikondo cyà citàmbe kwikala cyà butùmbi makèèlèlè dilòòlò awu kwà . . . Mwanèètù Groomer. Ne ndi mvùluka ne cidimu cishààle tuvwa bapicìle mu cikondo cyà butùmbi.

⁶ Tudi bapicìle mu cikondo cyà dicyònkómoka, myaba yònsò. Mukalenge mmufùme ku ditùbènesha ne byàbùngì byà bìyiila ne panshì, kutàmbe ne mùmvwàku mudyèlèlè meeji ne mmùvwàYe mufwànyine kwenza. Kadi Yèyè mmùle ànu tètè ne luse ne musàngelù. Bidi ànu bìmpè bwà kuMumanya. Ki mmwòmò

anyi? Ne pa kwela meeji ne “KuMumanya Yèyè, ki Mwoyi.” KuMumanya Yèyè, ki Mwoyi.

⁷ Mpindyewu, màalabà dilòòlò, netwikalè ku Central Avenue Assembly, ngeela meeji ne ki mùdibo bàkùbiikila. Mwanèètù Fuller, mukwàbò mwanèètù wa balùme wa maalu malenga. Ne ndi ngeela meeji ne ng’èkèleeziyà munène kuntwaku. Ne tudi pàmwàpa tutèkemenà ne tudi mwà kwenza mulongo wà—wà babèèdi, piikalàbi bîmpè bwà Mwanèètù Fuller. Pa nàнку tudi. . .

⁸ Ne pashìishe, dì—dìndà dyàlondà, nebikengelè bwà twètù kwikala ku, ngeela meeji, utubò bàbiikila ne ng’Église Apostolique mu Phoenix emu. Kàdi ncyèna ànu mvùluka ne mpaasàtà awu, mwanèètù awu, nganyi to. Mvwakù cidimu cishààle anyi? [Mwanèètù wa balùme kampàndà ùdi wàmba ne: “To. Awu’s ng’èkèleeziyà mupyamùpyà, wa beena Mexique, Mwanèètù Branham.”—Muf.]

⁹ Ne pashìishe mu dyàlumingu dilòòlò ku èkèleeziyà wa Mwanèètù Outlaw eku, Èkèleeziyà wa Dìna dyà Yesù. Nènku ndi ne mwoyi wùzùka bikolè, ne dîkù dyànyì, bwà kubwelamù ne kuumvwakù yimwè yà ku misambu mîmpè ayi.

¹⁰ Billy Paul ùdi ne cyà kwikala muyìkwàte, yònsò, ku mwoyi. Tuvwa bimbè musambu awu wà ne: *Nèmbandè Muulu, Muulu*, too ne, bwà kwamba menemene, cintu aci’s cikaadi cikùpùke, pa mukàbà wà mèyi. Ùdi ùbangila mu birò amu, ne dîbà dyònsò dyà ku ditùkù pàndi nyakù, nànsa dyòdi dîbà kaayi, àdi ànu ùwùtèeleja: “Muulu, muulu, muulu.” S’mbwalu bwa dikèma’s! Tukàadi bawìmbè bawìmbùlùle, ne mukàbà mwinè wùkaadi wàmba kunyanguka.

¹¹ Nudi bamanyè’s, mvwa mumvwè lutàtù dilòòlò edi, ndwà ne, dîyì ndimpàte ndambù, mèmè kudyàmbidila ne: “Èkèlekèle, ngìkalakù mwà kumòna muntu, mufwànyinekù kuyiisha pa kaaba kàànyì,” kwenzekabì ne ntapè dîsù kaaba aka ne mmonè Jack Moore. Cyà bushùwà ànu cyà menemene eci. Kacya ncitukù. . . Kaa, ngeela meeji ne aci ncifwànyinekù kwikala ànu cilenga cyà dikèma’s, Mwanèètù Jack. [Mwanèètù Jack Moore udi wèla nsèkè—Muf.] Mpindyewu tèelejaayaàku aci.

¹² Ne ngeela meeji ne ndi mmòna Mwanèètù Roy Borders musòmbe apa, yèyè pèndè. Eyowà’s, mukalenge. Mwanèètù Noel Jones musòmbe kaaba aka. Kaa, wà yaayà we! Twètù’s tudi kwònsòkwònsò, myaba yònsò. Ngeela meeji ne ncifwànyine kwikala cikondo cikùmbàne, pàmwàpa, bu mèmè mwà kwikishakù ndambù, nudi bamanyè’s, ne kwangatakù bàmwè bàà ku bantu balenga aba bwà kubàndabò kaaba aka bwà kwakulakù pa kaaba kàànyì pàdi dîyì dimpàte, nudi bamanyè’s. Mwanèètù Jack ùvwa wàmba yèyè ne: “Mukalenge kèna mu adi dibuulula to.” Èè, mèmè’s mvwa mucyòke pàngààfikì apu.

Kàbidi's mwawa—kàbidi's ntu ànu mucyòke ndambù, díbà dyònsò adi.

13 Ne ndi mmòna bantu biimàne kuulu mwaba wàwa, ne mùdìbi bikèngela bwà kwikalabò biimàne kuulu, ne mu mùshindù kampànda ndi ne disànka dyà kwikala mwimàne kuulu pàmwè naabò. Mpindyewu, Mukalenge ànùbènèshè.

14 Nènku tudi mpindyewu bindile ne mwoyi mujimà makwàbò masangisha àcilwalwà awu. Ne pashìishe lumingu lùlwalwà elu neciikalè mu Assemblées Pentecôtistes, ne tutùngunuka. Ne tudi tukuupuka, mu dilòlò dya diisàtù dilwalwà, ku wa mu disangu dyà mùsèèsù wà 11 ne Garfield. Ncyènà ànu mwà kuvùluka byònsò abi mu meeji to. Ku, ngeela meeji, Première Assemblée de Dieu mu cimenga amu. Nènku—nènku pashìishe mpungilu ùdi ùbanga ku Ramada.

15 Nènku mpindyewu kùdi didyà bwà Beena Kantu-ku-byanza ku—ku cimenga cinènè cyà Arizona: Tucson.

16 Ne mu bushùwà bwà bwalu, tudi bònsò bamanyè Phoenix ne myaba mikwàbò ayi ne, yidi ànu ncyàmà yà cimenga aci. Ne aci ncyà bushùwà. Awu ki mwaba wà munène. Ki kwètù, nudi bamanyè's, pa nàнку, ne pa nàнку, kuulu kwà kakùnà. Nènku pashìishe eci, cidi ànu, mu mùshindù kampànda ncyàmà yàci, mòna's, mbilenga bwà kwikalakù neenù bu beena mutumba's, bwà . . .

17 Ngeela meeji ne ùvwa m'Mwanèètù Rasmusson, dilòlò kampànda, mwambè cintu cyà mùshindù awu mu disangisha, ne, kaa, ekèlekèle, cyambè kunyangakaja disangisha adi. Ngeela meeji tuvwa ku—tuvwa ku Houston. Ne ùvwa n'Ramsar. Ùvwa nyèyè's. Kwambayè, dilòlò dyàkapwekà Mwanjèlò wa Mukalenge, bakwàte fòtò adi, ki kwambayè ne: “Nwènú bònsò bàdì mu nyùngulukilu mwà—mwà Dallas emu aba,” yèyè ne, “twètù tutu bamanyè ne nncyàmà yà Houston.” Nènku, kaa, ekèlekèle! Texas kàvwakù mwà kucitwàla to, munùdì nwènú beena Arizona aba bafwànyìne kucitwàla amu. Ki kwenzekakù cinyàànyà cicolè mu disangisha amu.

18 Èè, Yèyè's mmwìmpè bikolè. Nènku mpindyewu ndi ngeela meeji ne netùbuululè mu Mifundu kaaba aka, bwà tùfilè ànu kaabujaadiki kakesè cyanààna bwà katanci kakesè. Aci kì ncifwànyìnekù kucishintulula mu mùshindù kampànda anyì? Ndi ànu mutuutè mwambàkàje myaba yònsò bikolè menemene mu mùshindù wà ne ndi muumvwè too ne bundù bwà kunùtàngila. Ne pàmwàpa kunùpakù ndambù wa diikisha, bwà kufila bujaadiki kampànda bwà bwìmpè bwà Mukalenge wetù.

19 Tùpetààyikù kaaba mu Yone Munsantu, nshapità wa 16 wa Yone Munsantu. Nènku ndi ne 16.12. Ndi njinga kubala kuumukila—kuumukila mu mwaba awu mu Èvanjeeliyò wa Yone Munsantu. Mèmè ntu muswè kubala Díyì, bwalu Díyì ndìdì ditùmanyishà ne m'Bulelèlà. Tubangila ku mvensà wa 12, nènku

tèelejàayi ne ntèmà mpindyewu, bwalu ndi muswè kufilakù bujaadiki.

20 Ne pashiishe netùteetèku bwà kubwela kumpalà kwà dîbà ndambù. Ndi ngenza ànu kunùlama too ne pashiishe. Nènku mààlabà dilòòlò, mòna's, netùshaalèku cyàbìbìdì cìmwè cyà dîbà ditenteka pamutù. Aci necitùfikishè ne pa dîbà umwe jaajaaja, kí mmwòmò anyi?

Pa nàнку, pa nàнку, eci cidi cibanga ne mvensà wa 12:

Ncidi ne maalu àbúngì a kunwàmbila, kàdi nwènu kanwèna mwà kuàtwàla mpindyewu to.

Kàdi yéyè, Nyumà wa bulelèlè awu, pààlwàye, neànùlombòlè mu bulelèlè bwónsò: bwalu yéyè kàakudyàkwila yéyè to; kàdi byónsò byúmwwàye, kí byàmbàye: ne yéyè neànùleejè maalu àcìwwavwà.

Yéyè mpindyewu neàntùmbishè mèmè, bwalu yéyè neàpetè byà kùndì mèmè, ne neànùleejèbi.

Bintu byónsò . . . bìdì naabì Taatù mbyànyì mèmè; kí bwà cinyì ngám̀bì ne, yéyè neàngatè byà kùndì mèmè, ne neànùleejèbi.

21 Nudi bamanyè's, makèèlèlè dilòòlò, nangàngà, tuvwa bapetè kacitembelu kakesè kàà cyòci aci. Mpindyewu, bu mutùdì cisàmbà cyà beena Èvànjeeliyò mu Kaabujimà, tudi twitabuuja byenzedi byónsò byà Nyumà Mwimpè. Nènku mpindyewu, awu kí mùshindù wùmwèpelè wutùdiku mwà kwikala beena Èvànjeeliyò mu Kaabujimà, nkwitabuuja Èvànjeeliyò mu kaabujimà, byónsò bìdì Mukalenge mufunde. Ne ndi ngeela meeji ne tudi, twètù biinè, katwèna cintu to. Tudi ànu bu . . .

22 Ànu múmvwà mwambìle Mwanèètù Carl, makèèlèlè awu, mutàngile ku mucì kampànda, mèmè ne: "Dyàdya kí dibwè dyà ngajì dilenga anyi? Kàdi, twamb'eku twamb'eku, kadyèna ne bwà nsongo to cidi ànu mushikì cyanààna wà butù bwà volcan. Kì cyónsò cidìku." Kì mèmè ne: "Mùshindù mwinè wùdidi mpindyewu dishiilàngàne ne kàlàfuulù's. Èè, kàlàfuulù ncinyi? Butù bwà volcan, ànu ne mwoyi munda mwàkù cyanààna." Kì mèmè ne: "Twamb'eku twamb'eku, mèmè ewu ndi cinyi ne wèwè awu udi cinyi? Butù bwà volcan, aci's mmenemene, byumùkile ku buloba; lupwishi lwà buloba, ne mwoyi munda mwàlù."

23 Kàdi mwoyi wónsò mmukùnyìibwe kùdì Mufidi munène wa mwoyi, ne Yéyè ngudi mumanyè ànu mwà kwenza ne cyà kwenza ciinè. Ne byónsò bìdìYe mutèeke pa buloba apa bìdì bwà butùmbi Bwèndè. Mitootò yìdì bwà butùmbi Bwèndè. Mpeepèlè yìdì bwà butùmbi Bwèndè. Bilòngò bìdì bwà butùmbi Bwèndè. Ne twètù tudi dyashiibwa dyà cifulu dyà butùmbi Bwèndè.

24 Kàdi mbimwèke ànu bu ne byónsò mbiswè kuMutùmikila pa kuumusha ànu muntu. Muntu mmumwèke ànu bu ne . . . Mbimukolèle be, bwalu yéyè nguvwa cintu cìmwèpelè

cyàkadishinda. Bikwàbò byònsò byàkashàala mu ngiikàdilù wabi wa ku cibangidilu. Kàdi, muntu yéyè wàkadishinda. Ki bwà cinyi, Nzambi ùdi ùlwangana mvità bwèndè yéyè, bwà kumufikisha ku dyanza cidi cijaalàme, ne kutùmikila.

²⁵ Ne lùmwè lwà ku ntàtù yà mitàmbe bunènè bwà Nzambi, mu bidimu byònsò ebi, mùyaaya bwalu–bulonda bwà èkèleeziyà, mbwà kupetakù muntu kampànda udiYè mwà kutèeka mu bukòntononyi Bwèndè mu kaabujimà. Yéyè ùdi dijinga ànu ne muntu umwe cyanààna. Ùkaadi misangu yònsò mukwàte mudimu ànu ne muntu umwe ku musangu. Tudi balongè aci mu malòlò makesè àshàadi aa: muntu umwe, kí nkasumbù to. Yéyè ùdi dijinga ne muntu ànu umwèpelè. Ki cyònsò cidiYe naaci dijinga. Bwalu, bantu bàbidì mbafwànyine kwikala ne mmwènenu mishiilàngàne yibidì. Yéyè, dībà adi, ùdi wènza muntu ànu umwèpelè, ùDileejila ku mupèsonà umwèpelè awu. Kacya Yéyè kàtukù mucyènzè mùshindù mukwàbò pa kuumusha awu to. Nwamònu anyi?

²⁶ Mpindyewu, Yéyè ùdi ne Mupèsonà umwèpelè leelù ewu, ne Mupèsonà awu n'Yéyè mwena bwalu butwáfumu ku dibala ebu: Nyumà Mwimpè. Yéyè ki Mupèsonà udi Nzambi mutùme, Nyumà wa Yesù Kilistò pa buloba, Nyumà wa Nzambi, bwà kumwènsha ne kwambidila patòoke Kilistò ku Èkèleeziyà Wèndè, nwamònu's, ànu bwà kutungunukila ne Mwoyi wà Kilistò ku Èkèleeziyà.

²⁷ Mpindyewu, ncintu cyà cikèmesha be, kàdi—kàdi pààci ncipeepèle bikolè, bu twètù ànu bafwànyine kwimana ne kwelangana meeji. Tudi tukolesha, tudi tuzakalala, tudi—tudi tuciina, tudi tubwela mu dilubakana ne mpatà, twela ànu meeji. “Èè, ndi ne cyà kukolesha kubwela mu. . .?” Ki ng'aci to. Cidi ànu kudilekelela cyanààna, nwamònu's, manya ne udi cintu cyanààna, ne uMulekela ùkwangata ku bukòkeshi, wàngata meeji èbè ku bukòkeshi, ùkòkeshi.

²⁸ Mpindyewu, ncyèna nswà kwamba ne nkuya kùdi Kilistò ne—ne mu—mu meeji ànu mutupù nànsha. Kì ng'aci cindi nswà kwamba to. Lwà kùdiYe ne meeji èbè mu òwò, ne mu meeji a—a—a kanyinganyinga, ne a didipwekesha. Ne pashiishe kwamba ne: “Mukalenge Yesù, ki mémè ewu. Mpindyewu, mbafunde mu Diyì Dyèbè emu ne, Uciwva ‘ne maalu àbúngi a kwambila bayiidi.’ Wèwè kwamba ne: ‘Kabàwva mwà kuàtwàla mpindyewu to.’” Ne pàmwàpa ki bwalu bwètù leelù ewu, katwèna mwà kubyumvwa to.

²⁹ Nzambi ùdi mwà kujuula ànu kaacintu kakesè kàa kashiilàngàne, ne twètù tukàbenga mu kaabujimà. Pamutù pàa kukenketa Mifundu bwà kumòna ní nkàa cyà bushùwà anyi ní nkàa mafi, tudi tukiimansha ànu ne lùkàsà lwònsò ne: “Kakèena ne bwà nsongo to.” Bivwa bikèngela bwà twètù kukenketa bintu ebi, kujandula ní mbyà bushùwà anyi ní mbyà mafi. Nènku

vùlukaàayi ne, byôbì kabìyi byà bushùwà to, ndekeelu wa byônsò byôbì nebefwe, bwalu Yesù wàkamba ne: “Muci wônsò wùdì Taatù Wanyì wa mu Dyulu kàyi mukùne newùjuudiibwè.”

³⁰ Kàdi ndi ngeela meeji ne ùvwa n’Gàmaalièlè wàkamba díyi dinène adi musangu awu ne: “Cyôci cyà kùdì Nzambì, katwèna baswè kusanganyibwa biikàle tulwishangana naaci to. Kàdi—kàdi cyôci kacyi cyà kùdì Nzambì to, kacýèna ne kwàyàci cyôci ciinè to.” Pa nànkù, cìlongàayi nwèlanganèpu meeji.

³¹ Nènku mpindyewu, Yèyè mmwambè mwômò emu ne: “Kàdi Yèyè, Nyumà Mwímpè, pààlwàYe.”

³² Mpindyewu, muntu kampàndà wàkamba, kùkaadi cikondo kampànda, wàkula, kwambayè ne: “Nyumà Mwímpè awu mu bushùwà bwà bwalu mmeeji èbè àudi udyèlela. Ngwèwè udi wela meeji awu.” Aci’s ncifwànyine kuvwija Nyumà Mwímpè ne mmeeji meela’s.

³³ Kàdi Bible mmwambè ne: “Yèyè...” Nènku “Yèyè” mupinganyi muleeji-muntu. Nwamònu anyi? Nwamònu anyi? “Yèyè,” Mupèrsonà awu, Nyumà Mwímpè, Nzambì, “pààlwàYe, neànùbuulwilè maalu aa, àngänwàmbidì awu.”

³⁴ Dìbà adi, nudi numòna’s, kakwènakù mùshindù mukwàbò wà kumanya cidì Bulelèlè to. Ànu ku. . . Kwèna mwa kucipetela ku nkolèshilù mulenga, ku malabula a ku sèminèrè to. Neùcipètèlè ànu ku Nyuma Mwímpè. Yèyè ngudi mutùmùbwe bwà kuCibuulula.

Mpindyewu, pashiishe, Wàkamba kàbìdì ne: “Ne Yèyè neànùleejè maalu àcìvwavwà.”

³⁵ Mpindyewu, Ebèlù, nshapità 1, mmwambè ne: “Nzambì mu bikondo byà kale ne mu mishindù mishiièshiiàngàne wàkaakwila ne baataatù kùdì bapròfetà, kàdi mu ditùkù dyà ndekeelu edi ku Mwànà Wendè, Kilistò Yesù.” Nwamònu anyi? N’Nyumà Mwímpè wàngata bukòòkeshi pa bwena cintu, anyi wàngata bukòòkeshi pa Èkèleeziyà, bwà kukwàta mudimu ne Kilistò mu Èkèleeziyà. Dìbà adi, wèwè udi ulwa mùvwàYe Yèyè amu. Yèyè wàkalwa mùvwà wèwè, bwà wèwè kulwa mùvwàYe Yèyè. Nwamònu anyi? Yèyè wàkalwa wèwè, bwà wèwè wamòna mwà kulwa Yèyè. Aci, n—ncitàmbe dymvwà. Kakwèna mùshindù wà kucyùmvwija to, ne wèwè kùteecikù bwà kucyùmvwija to. Cìtábè ànu cyanàànà. Yèyè mmuCyàmbè, ne aci ncikòse bwalu. Ambà wèwè ànu ne ncilelèlè, ùcìtábùùjè.

³⁶ Mpindyewu, mèmè bu mwena Kilistò wa citende, ntu misangu yônsò ànu ngamba díyi edi. Mvwa ne disànkà dyà mùvwà Nzambì mungangàte kumpàlà kwà èkèleeziyà kungangatayè. Mbikolè bwà kumanya cìmvwà mufwànyine kwikala. Kàdi mvwa—mvwa ne kusàkidila bwà bulombodi ne dipetangana dyà buludì divwà Nyumà Mwímpè mukèmèshe naadi nsòmbelu wanyì, kumpàlà kwà mèmè kumulekelela. Bwalu, mèmè pàncìvwà mwànà mukesè, mvwa mumanyè ne

kùvwakù Cintu kampànda. Úvwa mwakùle, ne mèmè mvwa muiyikilàngàne Nendè. Yèyè úvwa ùngandamuna. Ki mèmè kubanga kumòna ne bintu byàkangambilàYe, pàncivwà mwànà mukese apu, byàkabanga kwenzeka ànu menemene mùvwàYe mwambè ne nebyènzekè amu. Ki mèmè kumanya ne bìvwa ne cyà kwikala bilelèlè.

³⁷ Mpindyewu, nkàadi muntu mukùlumpè mpindyewu. Ne kacya musangu nànsha wùmwe ncitu—ncitu... Ne ndi mwà kwambila buloba bwà—bwà kwimanabù tëndè, ne kubàkonka. “Funkùnaayi munu cintu cimwèpelè cikaadiYekù mungambile, mu EMU MMÜDÌ MUKALENGE WAMBÀ, mu Dinà dyà Mukalenge, cívwa kaciya bulelèlè ne cintu cilelèlè cyà kakúyi mpatà to, ne kaciya cyenzèke, pa misangu binunu kuvudija ku bunu byà bintu abi.” Ncinyi cidì cyenza... .

³⁸ Ndi ngamba nàнку bwà cinyi? Nwamònu’s, s’ngàmbì mutùdì twètù bònsò lupwishi lwà volcan. Kàdi mmulayi wà Dìyi dyà Nzambi. Ki bwà cinyi, ncyèna mwà kudyeyemena mèmè mwinè to. Kwèna mwà kwikala ne dyeyemena mu wèwè mwinè to. Kàdi, bònsò pàmwe, tudi mwà kweyemena Cidì cyangàte bukòokeshi kumutù kwètù twètù biinè. Nyuma Mwímpè ngudi mutwángàte ku bukòokeshi. Tudi ne cyà kweyemena Cyòci aci. Ne patùdi tweyemena Cyòci aci, díbà adi bipeta bìdi bìlwa.

³⁹ Mbifwànyine kupità mutù bwà mèmè kuteeta mene ku—kunwàmbila nànsha byà pamutùpamutù bimwè byà ku bintu bìdi Nyumà Mwímpè mwenzè mu nsòmbelu wanyì sungasunga wa mucibùlùke ewu, mu matùkù àànyì. Ndi ngamba nàнку ne Bible Wendè ewu mubuulula, Dìyi Dyèndè. Ne ki cidìYe. Yèyè ùdi Dìyi.

⁴⁰ Nwamònu’s, Dimiinu edi—edi didi dibwela mu butù bwà volcan, mu mùshindù wà Kampànda wa nyumà. Nzambi ùdi ùbwela bu Nyumà ne ùkwàcila mudimu ku butù. Pa nàнку, kì mmuntu to. N’Nzambi.

⁴¹ Nènku bu ne bìvwa binkèngela bwà mèmè kusòmbelakù panshì, ne kwangatakù díbà dyà kufùnda bintu binkaadiku mèmè muMumòne mwenzè, s’mbifwànyine kwenza mipimbu ne mipimbu yà mikàndà. Ne pa kucyèlela meeji, kaaba aka, ne bidimu makùmi àtaanu ne bisàtù, ne mwikàle mwà kwamba kumpàlà kwà Nzambi, kwà Èkèleeziyà Wendè, ne kwà Bible, mwisù mwà kasumbù aka, ne: “Musangu nànsha wùmwe ncitukù mwanji kuCimòna cipangile to; ànu mu byòbi menemene, musangu wònsò.”

⁴² Pa kuumushà, ànu ditùkù adi dīngàakalwà mu wesètè. Nukàadi beelèlè mukàbà wà méyì, bààbúngì bàà kunùdi, ngeela meeji, nudi nuumvwa. Ncyèna mumanyè ne ncinyi to. Ndi mwindile. Ndi mùneemu mpindyewu. Ncyèna mumanyè ne mbwà cinyi to. Ndi ànu mwindile.

43 Cidi mwà kwikala dyalukila dyànyì dyà kumbèlu. Bidi bitàmba kumwèka mùshindù awu. Byòbì nàнку, nekùjuukè muntu kampànda paanyimà pàànyì, watùngunuka ne Mukènji. Yèyè awu neikalè muntu wa pabwèndè, kàdi neàjuukè paanyimà pàà cyòci eci ne neàtungunukè ne Mukenji. Nènku ikàlaayi bacitèèlèje. Pàdici ciikàlè Mifùndu, nùshaalààyi naaci.

44 Byòci kabìyi nàнку to, kùdi kùlwa cikwàbò citùpà mpindyewu, bwalu ndi ngiitabuuja cyà bushùwà ne tudi ne mwoyi mu matùkù a ndekeelu, ne ndi ne kusàkidila mùndì mwikàlè ne mwoyi mu ditùkù edi. Ncyènàku mufwànyine kushintakaja ditùkù edi ne ditùkù nànsha dimwè to. Edi nditùkù dyà ditàmbe kwikala dyà butùmbi dikaadiku pa buloba. Kakwèna ditùkù dikwàbò nànshà dimwè dikaadiku dyangàte kaaba kàà ditùkù edi to.

45 Kaa, cìvwà Mòsà, Eliyà, Pòlò, Siilà, bilòbò binènè byà diitabuuja abi, bafwànyine kwenza ncinyì mu matùkù àkapità awu, bu bòbò mwà kujuuka ne kwambula mukànda wà maalumalonda, ne kutàngila ànu menemene byàkambàbo mu bipròfetà abi, byènzeka, ne kumòna mwaba wutùdi tusanganyibwa mpindyewu ewu? Mòna's, s'mbafwànyine kubèèla mu bùloko, mu dìbà dimwè. Cyà bushùwà's. S'bàvwa bafwànyine kwikala bu bantu batombòke, bàbànda bàpweka ne mìsèèsù, ànu ne mwàbò mwònsò, bàtonoka ne Èvànjeeliyò. "Dìbà dikaadi pabwìpì." Dìbà adi's nyewù tumòna, dilòlò edi ne, tudi bapangile ànu menemene butùmbi bwà Nzambi.

46 Kàdi ndi muswè kwambululakù ànu cintu cìmwè, bwà mu mùshindù kampànda kufikishakù èkèleeziyà . . .

47 Byòbì biinè, Billy Paul mmwabànye twartà twà disambila mu èkèleeziyà emu dilòlò edi anyi? Ncidi mfùminakù ku Tucson kwènji tusunsà tukesè. [Muntu ùdi wàmba ne: "Èyowà."—Muf.] Mm—mmwabànye twartà. Mpindyewu, aci neciikalè mùshindù mubi be wà kuteeta bwà kubatwàdilakù. Netùcìteetè's.

48 Mpindyewu, ncyàkwangata dìbà dipitèpìte bùngì to, ndi mfila ànu bujaadiki cyanààna pa Mufùndu ewu.

49 Aci, Kilistò ùtu ànu ùshààla mukwàte ku Mèyi Èndè. Ùdi ne cyà kwenza nàнку. Ùdi ne cyà kucyènza. Nwamònu anyi? Kì mmèmè udi ne cyà kucyènza to; mèmè ndi wa cìfwàkà, ku bukòkeshi bwà bilèma. Yèyè ngudi kàyì mwà kufwà, kàyì mwà kupangila to. Yèyè ngudi ne cyà kushààla mukwàte ku Èndè. Nwamònu anyi? Kàdi kì mmèmè udi ne cyà kushààla mukwàte ku àànyì to. Kì ngwèwè udi ne cyà kushààla mukwàte ku èbè to. Kàdi n'Yèyè. Kaa, aci kacycènakù cinùtèèka cintu kampànda munda amu anyi, bwà kumanya ne kakùyì mpatà to Yèyè ùdi—Yèyè ùdi muswikiibwe ku Dìyì adi?

50 Nènku, aci, lumingu elu, mùshindù mwinè wutùdi bendè mu Bible mujimà, ne bapròfetà abu ne bankambwà, ne musangu wònsò tuleeja ne pàvwà èkèleeziyà ùsesukakù, Nzambi ùvwa

ùtùma buludì muntu kampànda ne ùbànyùkusha ùbààluja cyàkàbìdì ku Díyì adi, ùtèèka èkèleeziyà mu njila. Ki mùtùbì misangu yònsò. Awu ki ngenzèlù wa Nzambì. Yèyè ùtu musungùle bantu bwà kwenzabò nàнку.

⁵¹ Mpindyewu, bu ne Wàkasungula mìtootò bwà kuyiishayì Èvànjeeliyò, nùнку's ncyenzèke kùkaadi ntàntà mule. Kayìvwakù mìfwànyìne kupàtuka mu diswa Dyèndè to. Bu Yèyè musungùle dî—dîbà bwà kumuyiisha, anyì mpee—mpeepèlè bwà kumuyiisha, kabìvwakù mìfwànyìne kupàtuka mu diswa Dyèndè to. Nwamònu anyì?

⁵² Kàdi twètù tudi pa cishìmikidi cyà budìshikaminyì bwà disungula. Twètù tudi mwà kwenza maalu mutùdì baswè kwenza amu. Ne ki bwà cinyì tudi balwè kùdiYe bu disaamà dyà mwoyi dyà dikèma. Mìsangu yònsò mùshindù ewu, ne baswè ànu kwikala kwelamù mìshindù yètù twètù, ne tuseesuka ku Yèndè njila. Nwamònu anyì?

⁵³ Ne nkàadi—nkàadi mwambè kacya kwònsò eku ne, muntu ùtu dîbà dyònsò ànu ùtùmbisha Nzambì bwà cidìYe mwenzè. Nè ùtu misangu yònsò ànu wàmba bwà cyènzàYe. Kàdi pashìishe, pa dîbà dimwèdimwè adi, mwikàle ùlèngulula cidìYe munkaci mwà kwenza. Nwamònu anyì?

⁵⁴ Muntu neàmbe ne: “Kaa, Nzambì wàkakàngula Mbù Mukünze. Èyowà's. Butùmbi kùdì Nzambì! Ncyà bushùwà.” “Èyowà, Yesù ùlwalwa cyàkàbìdì. Alèluuyàh! Ncyà bushùwà.” Kàdi, bwà kwamba Bwèndè leelù ewu? “Aa, aci cìvwa mbwà ditùkù dikwàbò.” Nwamònu anyì? Nwamònu anyì? Mìsangu yònsò ànu bwà cikaadiYe mwenzè, cyènzàYe, kàdi ùlèngulula cidìYe munkaci mwà kwenza.

⁵⁵ Ngìkàdilù yimwèyimwè ayi nyàakasanganà Yesù Kilistò pàakalwàYe pa buloba. Menemene's. Nzambì ùvwa mulayè cyàkenzàYe aci. Kàdi ki Yèyè awu, mwimàne kumpàlà kwàbò, kàdi bôbò kabàyi baMumanyè to. “Yèyè ùvwa pa buloba, ne buloba bwàkenjiibwa kùdiYe, kàdi bàà pa buloba kabààkaMumanya to.” Ncyà bushùwà.

⁵⁶ “Kàdi bònsò bààkaMwakidilà abu, Yèyè wàkabàpa bukolé bwà kulwabò bàna bàà Nzambì.” Ki luseke lwà butùmbi ndwòlò alu.

⁵⁷ Kùkaavwa cikondo kampànda, cikèènà-kumòna cikesè kampànda cìndì muswè kunùlondela eci. Kàdi ncyèna mumanyè to, pàmwàpa ncitu mwanjì kucyàmbakù to ànu kùdì muntu umwèpelè mwaba kampànda. Kàdi ndi—ndi mufùme ku dijimija umwe wa ku bantu batàmbe bunène pa buloba ebu, bwànyì mèmè, mààmù wanyì.

⁵⁸ Ne mèmè ntu—ntu munangè mààmù wanyì. Mùshindù mwinè wùmwà mmumòna ùmuka ku mèèsà, patùvwa balanda bàà dikèma, katùyikù ne cyàkudyà nànsha cikesè to! Nènku yèyè. . . Papa ùvwa ùlwa ne màmpà, mwaba wùvwàye

mukakòmbe mu màkàjiinyi kampànda, anyi cintu kampànda, ne—ne bàvwa bàpòngolwelapù kàfè, ne pashiishe kwelapù nsùkaadi. Nènku mààmù ùvwa wènza bu uvwa kàyi ne nzala to, bwà twètù bânà twamòna mwà kupeta cintu cyà kudyà. Kaa, ncitu—ncitu mwà kupwàku cyòci aci mwoyi to. Nwamònu anyi? Ne búngì bwà misangu yìvwaye ungambula, ne bintu biinè bìvwaye ùngenzela's. Kàdi, nudi bamanyè's, Nzambì mm—mmùle ànu tètè ne luse be. Yèyè ùtu ùmvwa maalu ónsò awu, pàdibi bikèngela bwà kubyàngataYè. Ne mèmè—mèmè ndi muMunangè bwà cyòci aci.

⁵⁹ Bitù misangu yònsò, ne, kumpàlà kwà yònsò wa ku bàà mu fàmiyè wanyi kufwaye, ntu ncimòna kumpàlà kwà kwenzekaci, mu cikèèna—kumòna.

⁶⁰ Ngàkamòna mwanèètù wa balùme, pàncìvwa ne bidimu bu dikùmi ne mwandamukùlù cyanànanà, anyi dikùmi ne citèemà. Ngàkamumòna kumpàlà kwà kufwaye. Ncìvwa nànsha mwena Kilistò to, kàdi ngàkamòna cikèèna—kumòna aci cilwa kumpàlà kwànyì, mèmè kumòna mwanèètù wa balùme awu ùya.

Ngàkamòna tààtù wanyi pàakafwaye.

⁶¹ Howard, bààbúngì bàà kunùdi mbavùlùke Howard. “Howard,” nudi bavùlùke's, bidimu bìbìdi kumpàlà kwà kwenzekaci, mèmè kwamba ne: “Howard, ndi mumòne mwaba wèbè mwenza cimanyinu. Wèwè ngudi ulonda.” Mèmè ne: “Dilongòlòle, mwanèètù, bwalu wèwè ngwìkala mulondèle ku diya.” Ne wàkaya, ànu menemene. Ne pashiishe, àbìdi àdi panshi aa. . .

⁶² Mpindyewu, ndi ntèkemena ne eci kacýèna cyùmvwika bu cyà cinyanga cijila to, kàdi, ànu bwà kuleeja bwalu bùdi—bùdi bùtwa Nzambì ku mwoyi. Nzambì ùtu misangu yònsò ànu wàngata ne mushinga tuumaalu tukesè, mùshindù wùm>wè>wùm>wè ne maalu manènè. Ndi muswè kwamba eci bwà kutwà nyama ku mikòlò bàmwè bàà ku bayiishi balenga aba. Bàdi pàmwàpa. . . Ne mèmè mwinè ndi ndyèlamù.

⁶³ Mpindyewu, twètù, muntu ne muntu, tudi bafwànyine kuswà kwikala Billy Graham kampànda, kàdi tudi. . . Ne muntu ne muntu tudi bafwànyine kuswà kwikala Oral Roberts kampànda. Kàdi, twètù, katwèna Billy Graham anyi Oral Roberts kampànda to. Tudi musadidi kampànda wa Nzambì mu budimi mùdiYe mututèèke. Nwamònu anyi? Nànsha ciikàle cikesè bìshi, anyi cinènè cyà bìshi, cìdi ànu cyà mwomùm>wè ku mèsù kwà Nzambì, misangu yònsò anu byà mwomùm>wè, bwà kwenza maalu mu ówò mu mwaba mene wùdi usanganyibwa awu. Misangu yònsò, cìdi ànu cintu cinènè bwà kulonda Mukalenge.

⁶⁴ Mbipicìibwe ne mèmè mupetèle. . . anyi muyè kapeta èkèleeziyà mwikàle ne bantu makùmi àtaanumù, mu diswa dyà Nzambì, pamutù pàà kuya kapeta bantu binunu bitaanu kabiyi mu diswa dyà Nzambì to. Bushùwà's. Nzambì ùdi mwà

kwenza bipite ne muntu mu diswa Dyèndè, mu dîbà dimwèpelè, kutàmba bìdiYe mufwànyine kwenza ne muntu udi kàyi mu diswa Dyèndè, mu bidimu makùmi àtaanu. Nwamònu anyi? Yèyè udi ùlènduka ne ùtetuka, byenzè bu udi utuucila cingoma mu mîdimà. Kàdi pàdi muntu bulelèlà mu diswa dyà Nzambì, ne mumanyè dibìikila dyèndè, bìvwa bikèngela kwikalayè musòmbèle mwaba awu.

Nènku mpindyewu, bikèènà-kumòna, mùshindù wùdi Mukalenge Nzambì ùkwàta naabi mudimu. Mémè. . .

⁶⁵ “Yèyè, Nyumà Mwímpè awu pààlwàYe, neànùbuulwilè maalu àNgânwàmbidì aa.” Mpindyewu, kabyèna bikèngela bwà kuteeta kudifwànyikijilaci, mùshindù mukwàbò kanà wònsò to. Yèyè ki MwenaDì. Bìvwa cyà bushùwà bikèngela kumanya cidiYe mufunde. Nwamònu anyi? Bible mmwambè ne Yèyè ngwàkaCifunda. “Nànsha bantu bàà kale, basàkiibwe kùdi Nyumà Mwímpè, bààkafunda Dìyi.” Ne piikalàbi ne Nyumà Mwímpè m’Mwena Dìyi adi, s’ncyà bushùwà ne Yèyè mmumanyè mwà kuDyùmvwija bìmpè kutùtamba twètù. Mulekèlaayi Yèyè ènzè dyumvwija dyàDì. Ne nudi bamanyè ne mmunyi, mùshindù wùdiYe ùDyùmvwija anyi? Mpindyewu, bintu ebi kabìnùpicikù to panwikalà balwè mu disangisha dyà dyondopa. Tàngilàayi. Eci kacìnùpicì to. Yèyè ùdi ùDyùmvwija bishi? Ku nunku ewu, pa kuDishindika, nwamònu’s, ùDivvwija nanku awu.

⁶⁶ Ki cyàkambà Yesù. “Kenkètaayi Mifundu. Mu Yôyi amu mmunùdi nwela meeji ne nudi ne Mwoyi wà Cyendelèlè; kàdi Yôyi ayi’s ki Yidi yàmba ne Mémè ndi Nganyi. Yôyi ayi’s nyidi yiNgamba. Nènku nganyi udikù mwà kuMpiisha? Nganyi udikù mwà kuMbanda bwà mpèkaatù?” *Mpèkaatù* mbwena kwamba ne “bupidyà.” “Mémè ncìyi ngenza byenzedi byàkafundiibwà bwà bwalu Bwànyi to, dîbà adi kanùNgiitabùùji to. Kàdi Mémè ngenza byenzedi, kàdi nwènù kanùyì mwà kuNgiitabuuja to, nanku itàbùùjaayi byenzedi, bwalu Dìyi dyà—dyàkacyàmba.” Nwamònu anyi? Aci’s cidi ànu cyumvwidi cyètù cyà ciibidilu, cyà matùkù ònsò eci.

Mpindyewu, Nzambì: “Mapà ne mabiikila kî mbyà dinyingaleela to.” Tudi bamanyè ne ki cidi Bible mwambè. Kî mbyà dinyingaleela to.

⁶⁷ Kùkaadi bu, pàmwè ne bidimu bìbidì mpindyewu. Mwawa . . . Dìndà kampànda mwava ngenda ngenda mu—mu nzùbu, ne mwava musòmbèle mu nkwasà. Mpindyewu, eci cidi cyùmvwika cyà pabwàci, bwà ne Nzambì mmufwànyine kubadilamù ne nyama. Bu mwanèètù wa balùme kampànda wa musinga mukolè, pa cikèènà-kumòna cyà Dyulu aci, cyà kaacintu kakesè kàà lukutukutu kâmpetèlè aku; ngeela meeji ne nkààvwa munùlondèlekù, musangu kampànda, anyi mu disangisha kampànda. Úvwa mumfùndile mukànda ditùkù adi, wàmba . . . Dìyi dyà Beena Kantu-ku-byanza bààkacipàtula. Yèyè ne:

“Civwa . . . cikèèná-kumòná cyèbè aci civwa címpè, Mwanèètù Branham, ditentemunyibwa dyèbè adi. Kàdi, tèelejà, civwa címpè too ne pawàlu kwamba ne kabalù kèèbè, kawùvwàku mubànde musangu kampànda aku ne, kàakalwa kukutèeka mutù pa dikaaya.” Yèyè ne: “Kakwèna tubalù mu Dyulu to, Mwanèètù Branham. Dyulu ditu dyenza bwà bantu, kí mbwà tubalù to.” Èè, mèmè kudyàmbidila . . .

⁶⁸ Èè, pa ciibidilu, udi umòna muntu kanà yònsò wa mùshindù awu, bikèngela ùmvwijè bintu byònsò, yèyè ùdi ùteeta ànu bwà kukwàtakù cintu kampànda. Nwamònu anyi? Kwèna mwà kuumvwijakù Nzambì to, nànsha bìshi. Bikèngela ànu ùMwitabuuje cyaanàan.

⁶⁹ Kàdi ncifwànyìnekù kumukànkamika. Mèmè ne: “Mwanèètù, nčitukù mwambè ne mvwa mu Dyulu to. Mu cikèèná-kumòna amu, ngàkeela lukonko bwà Yesù, ne bàakamba ne Yèyè ùcivwa dyàmwàmwà dyà mwaba awu. Mèmè mvwa mu ngiikàdilù mwenzè bu mu mpàlàdiizò. Kàdi, bwà kukukwàcishaci, Bible mmwambè, mu Mukàndà wà Bwàkabuulwibwà, ne: ‘Yesù wàkafùmina mu Maulu a maulu, mubànde pa kabalù katòòke. Ne cilwilu cijimà cyà mu Maulu civwa cyènda ciMulonda, pa tubalù tutòòke.’ Pa nàнку twòtù tùdi ne cyà kwikalàmù mu Maulu a dyulu amu.”

⁷⁰ Nzambì ùtu ùtùma ntèmà ku bintu byònsò. Ùtu ùtùma ntèmà ku tuntu tukesè tùtù wenza, anyi bintu binène byùtu wenza abi. Yèyè ùtu ùtùma ntèmà ku mùshindù wùtù wèwè ukùba kasumbù kèèbè kakesè kàà mikòòkò aku, anyi mùdi wèwè mukwàbò awu ukùba bisumbù byèbè binènè byà mikòòkò abi. Ùtu ùtùmakù ntèmà.

⁷¹ Kwènjì cikondo kampànda, mulundà wanyì mulenga mumanyike bìmpè, tuvwa ku . . . tulòba mu mwaba kampànda. Mèmè, mvwa mufùme ku masangisha, ne mvwa mwikishe. Tuvwa munkaci mwà kulòba ne tuunyonga, ne bakwàte mishipa yà mikumbàne cidiilu. Nènku dilòlò adi tuvwa tulòba ne ndòbò yà misangì yà ndebèlè, kàdi kupangila bìshì byà kwela ku ndòbo. Ku mèbà mapite mu mapingaja, mèmè kuya bwà kawkwà tunsèlèlèngà, tuumishipa tukesè menemene atu. Kwèna mwà . . . Yà minène ayi udikù mwà kuyìdya, kàdi etu tùdi ànu tuumishipa tukesè twà dyela ku ndòbo. Nènku mèmè kwela ndòbo, ntùpula ndòbo, ntùkwàta, ntwèla mu mbekeci.

⁷² Ki Cintu kampànda kundengaci, mèmè musòmbe pa bwàtù ebu. Nsongàalùme ewu ùvwa Ntèmù wa Yèhowàh, ne mwanààbò wa balùme ùvwa ùfùma ku disùngidiibwa ne ku dyujiibwa ne Nyumà Mwimpè, nènku nsongàalùme yibidì ayì yivwa neetù. Nènku pàmvwà munkaci mwà kukwàta mishipa eyi apu, twètù bònsò, Cintu kampànda kundengaci. Ki mèmè ne: “Nudi bamanyè’s, nekwikalè dibìishiibwa kampànda dyà ku lufù, bu mùdi kanyama kakesè.” Èè, kanyama kakesè.

⁷³ Mpindyewu, bààbúngì bàà kunùdì mbavùlùke dipàtuka dyà Díyì adi, dívwa dyambè ne: “Kùvwa mwà kwikala mwànà wa balùme mukesè ùvwa mwà kubiika ku bafwè, uvwa mutuuta ku màshinyì.” Mwanèètù Jack Moore ùdi naanyì dilòòlò edi, uvwa mu Finlande pàvwà bwalu abu bwenzèke. Nwamònu anyì? Bààbúngì bàà kunùdì mwab’ewu mbavùlùke pámvwà mucilonde kaaba aka, nwamònu’s, nnwàmbila bwà kucifùnda mu tùlipè twènù. Mònaayi.

⁷⁴ Ki Mwanèètù Wood kukùdimukayè, Mwanèètù Banks Wood, mwena mwànà wa balùme, uvwa mwondòpiibwe tunèkè awu. Ki kukùdimukayè e kwambila mwanààbò wa balùme ne: “Tàngilà wèwè ànu cyanàànà. Cintu kampàndà cìdi pabwípì ne kwenzeka.” Mémè kutùngunuka ànu ne kukwàta mishipa, nwamònu’s. Nènku tuvwa twela tunsèlèlèngà atu bu bìshì byà ku ndòbo.

Bufùku abu katwàkakwàta kantu to.

⁷⁵ Pàakacyàbu mu dindà mémè kwamba ne: “Kùvwa ndambù, búngì buvùmvùke, bwà tunsèlèlèngà muntwamu.”

⁷⁶ Yèyè ne: “Ambà tǔng, byòbì biinè, kwám̀bìpu mwab’ewu ne kùvwa mwà kwenzeka dibìshiiibwa kampàndà dyà ku lufù?”

Mémè ne: “Èyowà’s.”

⁷⁷ Ndi nnwàmbila ne, pàngùmùkù kumbèlu, bôbò bàvwa . . . Mwanàanyi mukesè wa bakàjì . . . Tudi bu mùdì . . . Nwènù nudi mwà kwikala naatù panwìkalà baswè, mpindyewu, nwamònu’s, kàdi mémè ntu ne bwòwà bwà kampuusù. Nènku mémè ncyèna—ncyèna ànu muswè cyuyùya cyà biitàbàatàbà citùku bwàtù aci to. Nènku katùtu twètù naatù kumbèlu to, ne—ne ntu ngiitabuuja ne kampuusù kàdi mwà kumanya ne mémè ntu naaku bwòwà. Pa nànkù, díbà adi, bànà bàanyi bakesè bàà bakàjì bàvwa bamanyè bìmpè ne kabàvwa ne cyà kwikala ne tumpuusù kuntwaku to. Ki mukesè . . .

⁷⁸ Mwanàanyi mukesè wa bakàjì ùvwa wènda wèndela mu kajila ne mwànà mukesè mukwàbò wa bakàjì, ki kwalukilayè, ne dibungama kwìsù kwònsò, ki kwambayè ne: “Papa?”

Mémè ne: “Udi ukèba cinyì, munanga wanyì?”

Yèyè ne: “Kùdi cintu cibi be cyenzèke.”

Mémè ne: “Ncinyì ciinè aci?”

Yèyè ne: “Bu wèwè nanshà mumanyè’s!”

Mémè ne: “Èè, ngambilaaku tǔng.”

⁷⁹ Yèyè ne: “Muntu mmwimànshè kàmwè kampuusù kakwàte ne byà luse mu kajila emu.” Ki yèyè ne: “Kakwàcikwètù aku’s kàdi kàmba kufwà, kapangè too ne mwà kwenda.” Ki yèyè ne: “Papa, udi umòna bishì bu twètù mwà kukàpèeshakù byàkudyà ne kukàkùba?”

⁸⁰ Mémè ne: “Kakwèna bwalu to. Wèwè muswè kukàpèèsha byàkudyà, wikalè ànu mudimùkè’s. Kakàlu kukwela nzàdi.” Mémè ne: “Enzà ngǎnji mmonèbi kampuusù aku.”

⁸¹ Nènkù pààlubù ne kampuusù aku mwaba awu, mémè kwangata kashèètè, ne, mu bushùwà bwà bwalu, pàakacyàbu mu dindà twètù kupeta musùmbà mujimà wà tumpuusù twànà.

⁸² Ki pashiishe, pa nànkù, mwanàànyì wa balùme mutekète—mutekète, pánkaavwà nguumuka, Joseph mwànà awu, ùvwa ùtùbandila. Kaa, kwelayè meeji ne tùvwa tulenga kumòna, nudi bamanyè’s, mùvwàtu túbànda myaba yònsò ayi, nudi bamanyè’s. Nènkù—nènkù kwangatayè kàmwè mu cyanza; kukàbòndayè bikolè ndambù, kàdi kukèèlayè panshì pa dibwe dyà nshààmendè apu. Kalùmýànà aku kubangakù kènda kànyùnguluka, kunyùnguluka. Mémè kudyàmbidila ne: “Kaa, ekèlekèle!”

⁸³ Ki mémè kudyàmbidila ne: “Èè, mpindyewu, kàdi mwà kwikala kànà kakesè kàà kampuusù aku, pàndì ngaalukilu kumbèlu apa.” S’nudi bavùlùke bwalu bwà opossum awu. Mémè kudyàmbidila ne: “Èè, nkafwànyìne kwikala kampuusù kànà aku.” Pa nànkù dibà adi tuvwa basòmbe mu kaacijèngù kàà màyi amu, munkaci mwà kulòba, ne tuvwa dîbà adi tukwàta tunsèlèlèngà twà bunène bukùmbàne atu, twaluja twà tukesè menemene atu mu màyi.

⁸⁴ Mwanèètu Lyle, mwakùnyèndè wa Mwanèètu Banks awu, ùvwa ùlòba ne mucì wà ndòbo wà nshinga mujìngila ku cinu, ne ndòbo munène menemene, ne musùmbà munène wà misànda myelakù. Kuminyishayè kansèlèlèngà kakesè aku ndòbo ne kukàpwekayè too ne mu kafù kàakù kakesè aku. Kàdi mmwenzè ànu ùkàtùpula nùnkù, kwambayè ne: “Mpindyewu, ndi njinga bwà nwènu kutangila *kwàka*,” kiikàle ànu bule *ebu*. Nènkù ùvwa ànu... Kàvwa mwà kupàtula ndòbo awu to, ngeela meeji. Kakùyi mùshindù mukwàbò to; ànu kukòsa nshinga awu. Kàdi yèyè ùvwa muswè kulama ndòbo wendè awu. Pa nànkù kupàtulayè ànu byà mu dibòdi, kafù ne byònsò, mu kòkò aku, nùnkù *ewu*, ne kukàkùpayè pa màyi. Ki kòkò—kòkò kuzakalalakù misangu yìsàtù anyì yìnaayi kàdi kushàalakù ànu kalààle mwaba awu. Awu kwambayè ne: “Bwèbè mbutùùke, kalùmýànà wa yàayà.”

⁸⁵ Mémè kwamba ne: “Lyle, pàdìku kàbanga kudiila . . . Angàtà ndòbo mukesè mushààdile kù awu nànkù. Pàdìku kàbanga kudiila, wàngatè mucì wà ndòbo wùdi mulàdika apa ewu, ne pàkaadìku ànu kàbanga kudiila, ùkàkwàtè. Wamònu anyì? Kumpàlà kwà kòkò kumukwàta ne kumumina, ùkàkwàcìlè ku tushìku aku.” Mémè ne: “Ki mùshindù wà kwikala kutùkwàta naawù ngwòwù awu.”

⁸⁶ “Aa,” mwàkambàye, “ndi mukòke bibì,” pèndè ùmba ùtùngunuka ne kulòba. Ki kuteetayè misangu ndambù,

kàdi kupangilayè misangu bu yisàtù anyì yìnaayi nàнку awu. Kì kutèékayè cilumyànà aci panshì, kwambayè ne: “Nènkàminyìshèci ànu kàbìdì.”

⁸⁷ Kì kaamushipa kakesè aku kushààlakù kalèlème pa màyi apu ndambù, kaa, ngeela meeji, tusunsa makùmi àsàtù. Kì mavwala kubangawù kubànda ne kubwela.

⁸⁸ Mèmè ne: “Èè, nebikengelè bwà twètù kuumuka mu katanci emu. Tukàadi ne mbekeci mujimà mpindyewu, nàнку nebikengelè bwà twètù kuumuka.”

⁸⁹ Kì mèmè kujuuka, bwà kukàkùpa paanyimà pàà mabèji a mbata, bwà kukimansha kule. Kùvwa tùmwe twà ku tufù tukùnze paanyimà apu. Nènku mèmè kubanga, kukòka cì—cì—cìshì cyà ku ndòbo aci pa mabèji apu, nudi bamanyè’s, kuciimansha pa dibèji adi, kàdi kucidyàpula, munùdì nwènù balùme ne bakàji bamanyè maalù a dilòba abu amu.

⁹⁰ Kàdi pàngàabangì kwenza nàнку, dyàkàmwe, Cintu kampànda kupwekaCì cipicila pa tukùnà atu, ànu mùtù Lupeepèlè lùpòngoloka amu. Ne kulwaCì pambidi pàànyì. Mèmè kumacìsha mucì wà ndòbo awu panshì, ne kujuuka e kwimana mu bwàtù amu. Kì mèmè kukènzakana. Mèmè kuumvwa Dìyì dyàmba ne: “Udi umòna kaamushipa kakesè aku anyi?” Nènku kì kòkò kàka, kalààle mwaba awu.

⁹¹ Mèmè ne: “Nudi numòna kaamushipa kakesè aku anyi?” ànu mùvwàYe Yèyè mucyàmbè amu. Mwaba awu tuumisààlálà twàkù atu tukaavwa tuumìnyine, ne kàvwa, kalààle pa màyi munda mwà citùpà cijimà cyà díbà. Nènku Bible ewu nyewù mutèeka mubuulula mpindyewu. Nwamònu anyi?

Kì kwambaYè ne: “Akùla naakù, ne kàpèèshùlùlè mwoyi.”

⁹² Kì mèmè ne: “Wèwè kaamushipa kakesè, mu Dìna dyà Mukalenge Yesù, ndi nkupèèshulula mwoyi.”

⁹³ Ne bantu abu biimàne, batàngile. Kaamushipa aku kukùdimukilakù pa nyimà wakù, ne kàbwela mwinshì mwà màyi nkòkò kàyaaya kàka. Kwambabò kuuminyina’s. Lyle kwowayè màyi kwìsù. Kwambayè ne: “Nènshiishè kubiika ku tulù paanyimà pàà katanci.” Yèyè ne: “Ndi—ndi mumanyè ne ndi munkaci mwà kulòota.”

Mèmè ne: “Kwèna munkaci mwà kulòota to.”

⁹⁴ Ne ànu pa díbà dìmwèdìmwè adi, ngeela meeji ne, pa mènà a bàà disambidila, mvwa ne bânà makùmi àsàtù anyì ànaayi bàvwà ne disaamà dyà tukùlákàji. Ne mùshindù mwinè wùvwàku Nzambì mufwànyine kucìnguluka, kushiya bânà bàà disaamà dyà tukùlákàji abu, kàdi kujuula kaamushipa kakesè’s, s’bidi ànu bìleeja ne Yèyè ùdi ùtùma ntèma ku bintu byònsò’s.

⁹⁵ Bwà cinyi bùvwàYe mufwànyine kukwàta mudimu ne bukolè Bwèndè bwà kwela mucì wà mfigì mulawu, pàvwàku binunu ne binunu byà beena nsudi mu ditùnga amu? Kàdi kucìngulukaYè

beena nsudi abu e kuya keela mucì wa mfigì mulawu, ne kwamba ne: “Muntu nànsha umwe kàdikù cyèbè cimuma to,” ne mucì wà mfigì awu kufùbidilawù. Mukwàte mudimu ne bukòlè Bwèndè, ùleeja ne Ûtu ùtùma ntèmà ku micì. Ûtu ùtùma ntèmà ku mishipa.

⁹⁶ Ûtu ùtùma ntèmà kùdì wèwè. Ûtu ùtùma ntèmà kùndì mèmè. Ne Ûtu ùtùma ntèmà ku kumòna Diyì Dyèndè òmwèneshiibwa, ne Yèyè ùtu mutùtèkèkèle twètù mwoyi bwà kucyènza, bwalu twètù tudi beena mudimu Bèndè. Katwèna ciintu nànsha cimwè mu twètù nkààyeetù to. N’Yèyè; tudilekelela ne twenda pàmwè Nendè.

⁹⁷ Mvwa mumòne cikèènà-kumòna mu dindà adi. Mèmè kumòna nyama munène mulààle ku luseke lwà kakùnà. Kaa, ùvwa ne nsèngù yibìdì minènaanènààlè. Mvwa mu lwendu lwa dilemba nyama mu ciinè cikèènà-kumòna aci, lwà pa díbà bu dikùmi anyì dikùmi ne ùmwè wa mu muunyà. Ki mèmè kudifinda e kwasa nyama awu.

⁹⁸ Ne pashiishe mu njila wa dyalukila, ours munène wa lwonji mufikùlùke kujuukayè buludì bwà kundwisha, kàdi mèmè kumwasa.

⁹⁹ Ne pashiishe mèmè kubàmòna bàngata nsèngù ayi, ne cyànza cikesè kwololokaci e kukwàta nsèngù ayi, kutèkapù mètre wa dipima nendè. Lusèngù lùvwa bule bwà centimètres lukàmà, kuumukila ku ntàku too ne ku lusongo lwà lusèngù, centimètres lukàmà ne mwandamutekètè mu butùmbùke. Kacya ncìvwakù mwanjì kumòna nyama wa mùshindù wàwa to, ne nsongo minène ku lusèngù lwèndè aku. Kàdi, pèndè, ùvwa ànu bu kashà kalùme’s, kàdi kòkò kàvwa, kaa, ekèlekèle, kènza bu tushà tùbìdì anyì túsàtù. Kacya ncìvwakù mwanjì kumòna cintu cyà mùshindù wàwa to.

¹⁰⁰ “Èè,” mùngàakambà, “pàmwàpà cyàdyàkwenzeka dīngà ditùkù’s. Nèngànjì ànu kucifùnda.”

¹⁰¹ Mèmè kuya ku Kentucky ne mulundà wanyì kampànda, kàdi Mwanèètù Miner Arganbright kumbiikilayè, wàmba ne: “Mwanèètù Branham, udi ne mudimu wà dyenza anyì?”

¹⁰² Mèmè ne: “Kì nnangànangà to.” Mèmè ne: “Mvwa muyè mu. . . Ndi ne mbingu yibìdì mpindyewu. Ndi mu kaadiikisha kakesè.”

¹⁰³ Yèyè ne: “Lwàku lùkàsà tùye ku Canada, ku Alaska, ne mèmè. Tudi baswè kwenza dyàpà dyà Beena Kantu-ku-byanza ku Anchorage ne ku Fairbanks kàbìdì.”

Mèmè ne: “Bidi byùmvwika bimpè be, bu mèmè mwà kwikalakù ne cikondo cyà kucyènza.”

¹⁰⁴ Yèyè ne: “Èè, Mwanèètù Branham, bu wèwè mwà kucyènza, nènkwambilè mùdì bwalu, netùkupètèshè dilemba dilenga dyà ours munène wa lwonji mufikùlùke.”

105 Mémè kudyàmbidila ne: “Kaa, aci’s cidi cyùmvwika cìmpè.” Mémè kudyàmbidila ne: “Kaa, kaa, s’ki cikèènà-kumòna aci’s. Nwamònu’s, s’ncyôci aci’s.”

106 “Dilemba dilenga dyà ours munène wa lwonji mufìkùlùke,” mûngààkambà, “aci’s cidi cyùmvwika cìmpè. Ncyèna nya bwà aci to. Kadi, patwikalà tukàadi kuntwaku, bu bàmwè bàà ku balombodi mwà kuswà bwà kuyakù naanyi, kabiya byà difuta mfrangà to, nêngìikalè ne disànkà dyà kuyakù.”

Pa nàнку, yèyè ne: “Èè, bôbò—bôbò nebàcyènzè. Tukàadi bamanè kucìlongolola.”

Mémè ne: “Èè, mpindyewu anjì indilabi túng. Ngǎnji kusambila pa bwalu abu.”

107 Ki mémè kuya mu diitu diinè ditùkù adi, ne musangu wònsò wùmvwà nsambila, mvwà nya kule naaci, díbà dyònsò, ànu kule naaci menemene. Mémè kudyàmbidila ne: “Ebu bwalu’s mbwà pabwàbù.” Ki matùkù àbìdì paanyimà pàà cyôci aci, mémè kubìikila Mwanèètù Arganbright. Mémè kwamba ne: “To.”

108 Yèyè ne: “Mwanèètù Branham, pèètu ànu munkaci mwà kulongolola bintu.”

109 Mémè ne: “Kanùcyènji to. Nyumà Mwímpè wàcipiishi.” Ki mémè kumulondela cikèènà-kumòna aci. Mémè ne: “Ncyèna—ncyèna mumanyè to, Mwanèètù Arganbright, kàdi mbwalu bwà pabwàbù’s. Kàdi Yèyè kààkundekela nya kuntwaku to, kàdi, pààbì, bìdì byùmvwika bu ne—ne mbifwànyine kwikala wòwò mwaba awu.”

Ki yèyè ne: “Èè, mpindyewu, twètù bònsò’s tukàadi badìlongòlòle bwà kuya.” Ki mémè ne . . .

110 Mpindyewu, bààbúngì bàà kunùdì nebàmonanganè ne Mwanèètù Arganbright. Yèyè neàlwe kaaba aka mpindyewu, bwà kudìlongolola pàmwè naanyi, bwà kuya dyàmwàmwà dyà mbù paanyimà pàà disangisha edi. Nèнку nudi mwà kumukonkàayi bwalu abu. Ki twètù kwamba . . .

Mémè ne: “To. Ncyèna ànu mwà kucyènta to. Nyumà Mwímpè mmungambile bwà ncìcyènji to.”

111 Mbitàmbe bwímpè bwà kutùmikila, nànsha byôbi bìshi, nànsha cyôci cimwèka cìmpè cyà bìshi. Nènyiishè pa cintu kampànda cyà mùshindù awu mààlabà dilòòlò, bu Mukalenge mwà kwanyisha. Pa nàнку mpindyewu, vùlukàayi ne, nànsha cyôci cimwèka cìmpè cyà bìshi, pìikalà Nzambì kàyimu to, shààla kule naaci. Nànsha cyôci cimwèka cyà cibàlakana bìshi, shààla kule naaci. Nànsha cyôci cyà cìtanta bìshi, shààla kule naaci pìikalà Nzambì kàyimù. Shààla kule naaci. Mpindyewu netwìkalè mwà kwakulapù mààlabà dilòòlò, bu Mukalenge mwà kwanyisha.

112 Mpindyewu, pashìishe pàngààkalukilà kumbèlu, Billy, mwanàanyi wa balùme awu kungambilayè, wàmba ne: “Pàpa,

udi mumanyè cilembi ùvwà muyè nendè mu bulembi kuntu kwàka mu movù wà bintu bitòloka mushààle ewu, dínà dyèndè Southwick awu?”

113 “Kaa,” mûngààkambà, “lwà ku...mu...kwinshì kwà Yukon kwàka?”

Yèyè ne: “Èyowà.”

Yèyè ne: “Mmukufùndìle wèwè—wèwè mukàndà kaaba aka.”

114 Yèyè awu m’Mwanèètù Eddie Byskal, udi mfùmù wa—wa kasumbù kàà bambi kàà mu ditùngà dyà ku nord-ouest kwàka, nsongààlùmè mulenga be, ùdi mwà kwikala kaaba aka mu disangisha emu. Ùdi munkaci mwà kulongolola bwà kulwa lwà kùneeku musangu ewu. Nsongààlùmè mukesè mulenga be, ne ùdi ne dîkù dilenga. Ùdi—ùdi wènza bumpandanjila kuntwaku mpindyewu ùya ku ba-Crees, ba-Indiens bàà Cree. Nènku mvwa nendè ànu mu movù wà mabèjì àpòòpoka mushààle ewu. Ne pashìshe . . . Anyi, mu movù wà luuyà mushààle ewu’s wè, èyo.

115 Pashìshe yèyè, Eddie, ùvwa muswè bwà kuya naanyi kwà Bud, uvwa umwe wa ku bàdiye mukùdimwishe mucimà kùdì Kilistò awu. Mukàjèndè ùvwa mwena Mpenta wa lulamatu lwà menemene. Bud ùvwa mwena ferme kampànda, ne mmufùme ku dilwa ànu àbìdì àdì panshì aa. Kàdi bààkamukòsela, mwaba wùvwàbo biipàte ba-Indiens ne bakabàtèèke mu citùpà cyà buloba cibàlamina awu, citùpà cinènè cyà buloba bwà bulembi. Cìipacila yisambòmbò. . . Kaa, ngeela meeji ne mmupetè cipaapu cyà kilomètres carrés nkàmà yìnaayi ne makùmì mwandamukùlù, anyi mipite apu, lwà mwònsò amu, citùpà cyà buloba cimukòsela kùdì bukalenge bwà Canada.

116 Èè, mu movù wà bintu bitòloka awu, pàmvwà kuntwaku apu, twètù kuya mu bulembi bwà ours paanyimà pàà disangisha, kàdi patùvwà . . . mu ngondo mwitànù, kàdi lupeepèlè lwà luuyà alu kulwalù kutùpangisha. Tuvwa ne . . . Yèyè kacya kàvwakù mwanjì kuumvwa cintu pa bìdì bitàngilà masangisha to, kàdi Eddie ùvwa ànu mutùngùnùke ne kumwicikijila maalù a mu masangisha.

117 Ki yèyè ne: “Udi muswè kungambila ne, leelù ewu, Nzambi udi munkaci mwà kuDileeja, ne kuleeja maalù àcilwalwà kumpàlà kwà kwenzekawù anyi?”

Eddie ne: “Aci’s ncyà bushùwà menemene.”

118 Ki kutùngunukayè ne kwakula naanyi. Yèyè ne: “Udi mumanyè’s, mèmè ndi ne mwanèètù wa balùme udi ne dîsaamà dyà ciseki.” Yèyè ne: “Bu wèwè ànu mwà kufikakù kùdì mwanèètù awu’s!” Yèyè ne: “Ndi ngeela meeji ne, bu mèmè mwà kumufikishakù mu dimwè dyà ku masangisha èbè awu, ndi ngeela meeji ne mmufwànyine kwondopiibwa.” Mèmè ne. . . Yèyè ne: “Ùdi naadi nkacya bààmulela.”

Mémè kwamba ne: “Pàmwápa mmùdibi’s.”

¹¹⁹ Èè, kwìsù kakùtu kùfùika kuntwaku mu cikondo aci cyà cidimu to, nudi bamanyè’s. Dìbà dìdì ànu dipweka cyanààna, ne dilwa . . . Kaa, nudi mwà kwikala, pa dìbà kanà dyònsò edi, mundankùlù, dìbà ùmwè, udi ànu mwà kwikala mwimàne, ubala cibèjibeji, cintu kanà cyònsò, wamònu’s. Kàdi lwà—lwà ku citùpa cyà ndekeelu cyà ngondo mwitànù dìbà kadyèna dibwelakù to. Didi dyùmuka, dyàmba kuya, bwà tusunsa tutwè ku dikùmi, ne dyàlukila. Pa nàнку tudì ànu tudyàdija panshì dìbà dyònsò ditùdi tucyòka adi.

¹²⁰ Ki pashìishe mu njila wa dipàtuka amu, twètù kutwilangana ne musumbà wà ba-Indiens. Nènku, kaa, mémè kupeta mfùmwbò wa kale awu kuntwaku. Bàvwa bamushiye kuntwaku bwalu ùvwa ne bânà bàbidì. Bòbò bàtu bàjiika bààbò bânà mu citùpa cyà mucì, bananga bààbò. Ntèndeleeleu wa mùshindù kampànda. Ne bàtu bàbàkùdika ku mucì, nènku bàtu ànu bàshìya fàmiyè awu ùshààla mwaba awu. Mukùlumpè mulenga wa dikèma, mupìte too ne pa bidimu makùmi citèemà, musòmbe bimpè pa cisòmbedi cyèndè cya kabalù ànu mùdi umwe wa ku bânà bèndè bàà balùme abu.

¹²¹ Nènku twètù kwasa lwendu pàakacyàbu. Yèyè ne: “Kakwèna njila wa diyiila dyàmwàmwa mpindyewu to. Bàndilàayi ku luseke lukwàbò lwà mikùnà kàdi nùyiilè *eku*.” Kaa, cìvwa nntàntà mukwàbò wa kilòmèetà lukàmà ne makùmi àsambòmbò, bwà kukòsa kajila aku. Pa nàнку, twètù katùvwakù bafwànyine kwenza aci to. Dìbà dikaavwa diyè bikolè. Twètù kwalukila cyànyimà.

¹²² Nènku mu njila wa dyalukila amu, Bud ùtu ne mulongo wà tubalù twànà, ne tùmwe twà ku twòtù tùvwa tukabwelè mu cisènsè ne bikwàbò. Nènku mémè mvwa ngenda nyakù, biikàle tuyiikila, Eddie ne mémè. Ne Bud ùvwa pa kabalù kalombodi, ùteeta kupàtuka. Tuvwa ne tubalù makùmi àbidì ne kàmwè. Ne mémè mvwa mwelè kàmwè mwonji, mémè kukàpàtula. Kàdi nkenzè ànu kàpàtuka, dìbà adi kàànyì kabalù sungasunga kubwelakù mwòmò amu. Nènku ki mémè awu, mpàtukamù. Nènku mvwa ne bitocì pambidi ne byònsò. . . Mu tusunsa tukesè, mémè kubànda pa kabalù kàànyì, ne kukùpula bitocì ku bilàmbà, mùshindù *ewu*, kwasa lwendu.

¹²³ Kàdi buludì kumpàlà kwànyì, ku luseke lukwàbò lwà kakùnà kwàka, kulwakù nsongàalùmè wa citende. Mémè kumutàngila. Mémè kudisàka paanyimà pa cisèbà cyà kusòmbela apu ne kwimanyika kabalù kàànyì. Ne mémè kumumòna ùpaluka, ùcyènza misangu ne misangu, ne ùpàtula ntutu ku mishìku, kulwayè ne madyàmbi a menemene, ne ùsùnsula byònsò. Ki pashìishe kuditùujayè. Mémè kumòna dicyùwà dyà kale. Mémè kumòna mutèèlù wèndè wòshika mudilu.

124 Eddie ùwva pabwîpî ne cyàbibîdî cimwè cyà ntàntà wa kupîta misèsèsù yîbîdî kumpàlà kwànyî, ùteeta bwà kupeta kabalù kakwàbò. Kabalù kàà kànà kàvwa kaseesùke mu kajîla, kàya mwômò amu, kàkòka majîtu kule nendè, kàkàndamana. Ki dîbà adi mêmè kuya lubîlu kùdî Eddie aku. Twètù kutuuyîsha kabalù aku. Mêmè kwamba ne: “Eddie, ndi ne EMU MMÛDÌ MUKALENGE WÀMBA bwà Bud.”

Yèyè ne: “Mwanèètù Branham, cyènzèkî ncinyî?”

Mêmè ne: “Cikèènà-kumòna. Ngàmònu mwanààbò wa balùme awu.”

Yèyè ne: “Kaa, kamwangàtè.”

125 Mêmè kwamba ne: “Lamà tubalù paanyimà. Nènsalulè kàànyî mêmè mpîtè kumpàlà, ncingulukè lubîlu tubalù etu, mmonè ní ndi mwà kutùpeta ne kutùlamina ku luseke lwà kakùnà.”

126 Mêmè kunyùnguluka mabwe matùmbùke awu, nùnkù ewu, ne kabalù kàànyî- . . . pa kabalù kàànyî apu. Mêmè kukàsàka kumpàlà, ne kufika pòpò apu. Ki mêmè kutèeka cyanza pa cisèbà cyà cisòmbedi aci. Mêmè kwamba ne: “Bud?”

Yèyè ne: “Yè, Mwanèètù Branham.”

127 Mêmè ne: “Ndi muswè nkwambîlèku bwalu kampànda. Mwanèènù wa balùme . . .” ki mêmè kuumvwîja mùvwàye.

Yèyè ne: “Èyo. Udi mukwambîle nganyî?”

Mêmè ne: “Muntu nànsha umwe. Mukalenge ngwafùmu ku dimundeeja.”

Mêmè ne: “Udi mwà kungiitabuuja mêmè bu musadidi Wendè anyî?”

Yèyè ne: “Cyà bushùwà’s, Mwanèètù Branham.”

128 Mêmè ne: “Mubiikidishè,” mu ntàntà wa wîpacîla—wîpacîla ku kilòmèètà cinunu ne nkàmà yîbîdî ne makùmî mwadamukùlù kule ne bantu, “ambîlà mwanèènù awu àlwe mwaba ewu. Ne musangu wà kumpàlà wènzàye ùmwè wà ku mpalù ayî. . .” Mêmè ne: “Ùkaadi mwenzè mpalù eyî nkacya pàcîvwàye ne bidîmu bitwè ku bibîdî. Wèwè udi mufwànyîne kubènga kuciitabuuja, kàdî ndîsaamà dyà pa mukîshî. Kakwèbè mulùme ùwva naadî.”

Yèyè ne: “Mpîndyewu, aci mbulelèlà. Ncyà bushùwà.”

129 Mêmè ne: “Mpîndyewu, nsongàalùmè ewu pènzàye mpalù ewu, ùmukòpwèlè mutèèlu paanyimà ùwùkùpè mu mudîlu, wamba ne: ‘Ndi ngenza nùnkù mu Dîna dyà Yesù Kilistò, bilondèshîle Dîyî Dyèndè.’ Kààdyàkwenzakù mukwàbò mpalù to, pîikalàye ànu ùciitabuuja.”

130 Kwelayè ànu byanza muulu cyanàànà, kubangayè kwela mbîlà mikolè. Kwambayè ne: “Kacya ncitukù mwanjî kucimòna cyenjîlbwe to, kàdî ncyà bushùwà ne wèwè udi mungambîle

ànu menemene mùvwà mwanèètù wa balùme, ne mungambile bulelèlè pa bìdi bitangilà kakwányi mulùme.”

Mémè ne: “Aci ncyà bushùwà.”

¹³¹ Paanyimà pàà twètù bamanè kuumuka, kubiikidishayè mwanààbò wa balùme awu. Kàdi ùvwa ne cyà kuya kakòsa mupwa mu dindà adi, pààkafikàye ku bis (ùfika, kupita misangu yibìdi anyi yisàtù ku lumingu, ùbànda ùpweka ne cibeeba cyà mu Alaska aci), kufikayè ku . . .

¹³² Kàdi mukàjì wa Bud, Lila, ùdi ànu kaamuntu kakesèè, mukàjì mukesèmukesè, wa bunènè bwìpacila kapeeyilà kàà nsàbangà paanyimà pàà díkù dimanè kusukula naakù bilàmbà. Ànu mukesè . . . Mmulelè bânà bàtaanu, mwikàle mukàjì mukesè wa kalolo.

¹³³ Nènku ki Bud kupàtukayè bwà kalongolola tubalù twèndè atu, bwalu ùvwa ne cyà kuya kakòsa kajila aku, bwà twamòna mwà kwalukidilamù pàmwè ne bilembi byèndè.

¹³⁴ Nènku mmwenzè ànu ùya, èè, mwanààbò wa balùme mwòmù amu, kàyi mwanjì kukòpola bilàmbà byèndè byà bimpè abi to, kupalukayè. Kàdi bàvwa basòmbèle mu citùdilù mu kampònyì kàà kale, mùvwà beena Àmérique, pàvwàbo bìibaka cibeeba, bìikàle naakù kuntwaku. Nènku pàvwà . . . Bàvwa ne dicyùwà dinène dyà kwipikila. Nènku Lila mukesè awu . . . Yèyè mulùmýàna awu ùvwa—ùvwa wènza maalu a dikèmà pàvwàye ùpaluka. Ne mukàjì awu ùvwa ùmuumvwa bwòwà wàmba kufwà, ne ùvwa mwà kuumusha didìdiishì, anyi kwenza *cintu kampànda*, ùmuka mu njila. Kàdi kubangayè kutùpika bwà kupàtuka, kàdi kuvùlukayè cìvwà cyambìibwe aci. Ùkaavwakù mu òmwè dyà ku masangisha, ku Dawson Creek kwàka.

¹³⁵ Kuyayè lubilu mwaba awu ne kwelayè mulùmýànà munène ewu mu mantàntà, kumukòpwelayè mutèèlu lwà paanyimà, mwikàle ùdila mwadi, mbòta ne byònsò, mutèèlù wèndè mutòòke awu, kuyayè ku dicyùwà aku, ne kwambayè ne: “Ndi ngenza eci mu Dìnà dyà Mukalenge Yesù, bilondèshile Dìyì dyà Mukalenge divwà ditwàmbila.” Ne kààkapalukakù musangu mukwàbò nànsha wùmwè to kacya ànu piinè apu. Aci kukòsaci bwalu.

¹³⁶ Ùvwa mumbiikidishè bwà kulwa bwà kalemba nyama, kabìyi byà difuta mfrangà to. Nènku ntu misangu yònsò ànu nkèba bintu byà kabìyi byà difùcila mfrangà abi, nudi bamanyè’s. Ki mémè kudyàmbidila ne, “Èè . . .” mungàakambà, “nènye. Nèngànji kumòna Mukalenge ní wàngaanyishila bwà kuya.” Mémè kusambila. Ne ndi mwenzè ànu nsambila anyi, byònsò kuyabi ànu mu mùshindù awu.

¹³⁷ Mémè kwangata Mwanèètù Fred Sothmann. Ùdi mwaba kampànda mu disangisha emu. Ùdi penyì, Fred? S’ki bwalu mbwòbù abu. Èyowà. Yèyè ngumwe wa ku balubuludì bàà èkèleeziyà wetù. Mwanèètù Fred mmumanyè ne cyòci eci

cyākambiibwa ngondo yisàtù kumpàlà kwà kwenzekaci. Ncyà bushùwà anyi, Mwanèètù Fred? Nènku, ngeela meeji, Mwanèètù Simpson. Mbanganyì mu citanda emu dilòòlò edi bàdì bamanyè ne kumpàlà kwà kwenzekaci, cyākambiibwa? Elàayi byanza muulu. Ki bóbò aba's. Ne civwa cyambiibwe kumpàlà kwà èkèleeziyà, ànu menemene civwà mwà kwenzeka. Èè, ncivwa mumanyè ne eci ki civwà cikondo ciinè to.

¹³⁸ Pa nàнку mêmè kuya ku cibeeba cyà—cyà mu Alaska, ne Mwanèètù Fred kwimanyikilayè pàà mulundà kampànda, bwà kuya kalemba ngulungù yà mpàndà. Nkutàmbe bule kuntwaku bwà ngulungù yà mpàndà. Pa nàнку tudi mu citùpà cyà buloba cyà mikòòkò, mutùvwà tuya amu. Ne pa nàнку twètù... Mêmè kwangata ka—katùpà kàà—kàà lupèmbà anyi bitoci, ne kufùnda pa lumwènù lwà kumpàlà kwà kàshinyi alu. Mêmè ne: “Mpindyewu, Mwanèètù Fred, pa nàнку piikalàbi ne eci ki cikondo, neùvulukè ànu menemene ciikalàci.” Ne yèyè mmucivùlùke.

¹³⁹ Mêmè kubànda. Dilòòlò adi patwàkabwelà mu citùùdilu, Bud kwambayè ne: “Mwanèètù Branham!” Yèyè kunguupukila ne kutùpikayè ùya muulu wàlukila, wàkula mu myakulu ne ùtuuta mikòbòlo, nudi bamanyè's. Kwambayè... Nènku aci, mulami wa kale wa ngombe wa pa kabalù wa makòyi, yèyè pèndè. Nènku ù—ùvwà ànu munkaci mwà kutùmbisha Nzambì's. Yèyè ne: “Udi mumanyè mùdì bwalu anyi, Mwanèètù Branham? Mwanèètù wa balùme awu kàtu mupalùke to kacya ànu ku mwinè musangu awu. Ùkaadi ànu mùdì bantu bònsò emu ne mubidi tumatuma, kacya ku cidimu cishààle.”

¹⁴⁰ Mêmè ne: “Piikalàye ànu mucitàbùùje, nebitungunukè mùshindù awu.” Ki mêmè ne: “Mpindyewu ùmwambilè àlekelele mwoyi wèndè kùdì Kilistò, ne àMukwàcilè mudimu matùkù èndè ónsò a mwoyi. ‘Ndà kàdi kwènji kàbìdì mpèkaatù to, cyanàànà cintu citàmbe bubi necimwenzèkèlè.’ Wamònu anyi?” Mêmè ne: “Ùmwambilè ènzè nàнку mpindyewu.”

¹⁴¹ Ki mêmè ne: “Ndi ne cikèènà—kumòna ckwàbò,” ne mêmè kumulondela cikèènà—kumòna aci. Mêmè ne: “Mpindyewu, kùvwà bânà bakesè biikàle naanyi. Tuvwa mu lwendu lwà bulembi. Bàvwà bantu bàà bìpi. Nènku umwe wa kùdìbò ùvwà muvwàle mutèèlù wà màyi a matàmbà, wà tuzùbù—tuzùbù.”

¹⁴² Ki yèyè ne: “Èè,” mwàkambàye, “Mwanèètù Branham,” yèyè ne, “mêmè ncyèna ne mutèèlù wà màyi a matàmbà, wà tuzùbù—tuzùbù to.” Mwanèndè wa balùme, Blaine, wa bidimu dikùmi ne mwandamukùlù, kwambayè mùvwàye kàyi ne mutèèlù wà màyi a matàmbà wà tuzùbù—tuzùbù.

¹⁴³ Eddie Byscal, mukwàbò muntu wa mukèsè mwìpì menemene, wa bujitu bwà bwìpacila kilò makùmi àtaanu, kwambayè ne: “Nànsha mêmè ncyèna naawù to, Mwanèètù Branham.”

Mêmè ne: “Èè,” mûngààkambà, “mpindyewu, nyama awu . . .”

Yèyè ne: “Ùvwa nnyama wa mùshindù kaayi mwinè awu?”

Mêmè ne: “Ùvwa ne mmwènekeli wa kashà.”

144 Yèyè ne: “Kakwènaku kashà muneemu to. Ewu mwaba mmutumbùke bikolè.” Yèyè ne: “Pàmwàpa mbowà’s.”

Mêmè ne: “Mbowà’s ùdi ne nsèngù yà bipaapupaapu.”

Yèyè ne: “Aci ncyà bushùwà.”

Mêmè ne: “Ewu yèyè ùvwa ne nsèngù misongòlòke.”

145 Yèyè ne: “Èè, Mwanèètù Branham,” yèyè ne, “kutùyaaya nku citùpà cyà buloba cyà mìkòòkò, kí ncyà tushà anyi cintu cyà mùshindù awu to.”

146 Mêmè ne: “Èè, pàmwàpa ndwendu lukwàbò’s. Mwanèètù Arganbright. . . Cìvwa cìfwànyine kwikala mmu Alaska mu mwaba kampànda,” mêmè ne, “bwalu ùvwa ng’ours munène wa katankù, wa lwonji wa mufiikùlùke.”

Yèyè ne: “Ùvwa ng’ours wa lwonji wa mufiikùlùke wa mùshindù kaayi awu?”

Mêmè ne: “Wa cisengàsengà.” Awu ki udi mutàmbe kumanyika wa ku yòyi yònsò ayi.

147 Yèyè ne: “Mêmè’s ntu mulombodi. Nkààdi mufikèfike mu meetu aa kacya bàndela. Kacya ncitukù mwanji kumòna ours wa cisengàsengà to.” Yèyè ne: “Nkààdi mumòne wa mufiikùlùke wa pa ciibidilu ewu. Kàdi,” yèyè ne, “ncitukù mwanji kumòna wa cisengàsengà to, ncitukù mwanji kumòna wa nàнку to kacya bàndela.”

148 Mêmè ne: “Èè, ùdikù’s, mu mwaba kampànda, ne mêmè nèmmupetè.”

Yèyè ne: “Nèngǎmbè ne mbulelèlà.” Yèyè ne: “Nèngǎmbè nàнку.”

149 Twètù kwasa lwèndu, paanyimà pàà matùkù àsàtù. Twètù kwasa citùùdilu, ku ndekeelu kwà diitu lwà kùdi micì mikùna yishùkila aku.

150 Nèнку Nzambì ànkwaçishèku, yòyi mishààle mùshindù wàwa too ne ku Bukalenge bwà bidimu cinunu, mêmè nsòmbelèku mwómò amu mu Bukalenge bwà bidimu cinunu. Mêmè ntu ànu munangè kubwela mu bufùki abu kuntwaku. Kaa! Muntu yèyè kàyi mufwànyine kumòna Nzambi muntwamu to, ùdi—ùdi mpofo, mpudimaci, ne kamàmà. Ànu kuMumòna ùDileeja mu mikùnà minènè yà katankù yàya! Kaa, ekèlekèle! Ndòndò ùdi ùbùkila ndòndò, díbà adi, ne muntwamu mwikàle ànu upicila mu cikondo cyà butùmbi.

151 Kì twètù kubànda pa mukùnà kampànda. Bikèngela ànu bwà wèwè kwenda mululàme, mùshindù ewu, ànu bwà

kuwùbànda cyanàànà. Kaa, kamùyi diitu dyà micì mikùna to, ànu tuumicì twà mu cisènsè twenzè cyàtà twà mbowà ki cyònsò cyùdì umòna. Twètù kumòna mikòòkò bu makùmi àsàtù anyi ànaayi nànkù. Kakùvwakù nànsha wùmwe wà bunène bukùmbàne wà kwàngata to. Yìvwa ànu yà mivùngàne yà cyàbibidì cimwè, ne mivùngàmàne yà cyàbinaayi cimwè. Mvwa—mvwa muswè wà bunène bukùmbàne wa kupàtukakù naawù muntwamu, pa kwalukila mu ntàntà bule abu. Pa nànkù twètù. . . Mémè kwalukila kwìnshì aku.

¹⁵² Ki ditùkù dyàkalondà twètù kubanga kusabuka, kàdi Eddie kudishindayè mu màyi pàkaavwàye ne àtupikè, muvwàle bisàbaatà binène.

¹⁵³ Pàvwàye ùbàndila ku luseke lwà mukùnà, Bud kwimana e kwambayè ne: “Enzà ngànji kwàngatakù tulòndò twèbè atu, Billy.” Mémè kumupèèsha tulòndò.

¹⁵⁴ Tuvwa twenda ndambù, twakula bwà Mukalenge, ne twela mbilà, ne tuya lubilu tubànda tupweka ku luseke lwà kakùnà aku, tupicila ànu mu cikondo cyà butùmbi. Mbìmpè bwà kuya, mu lwendu lwà bulembi, wèwè uya ne bānà bèètù.

¹⁵⁵ Ki kwàngatayè tulòndò twànyì atu. Kwambayè ne: “Mwanèètù Branham, s’ki cimpàngà cyèbè cyà mùkòòkò cyàcya. Ki yòyi yàya mitwè ku mwandamukùlù miikàle mu ntàntà wa kilòmèètà yipacila ku citèèmà, mwaba awu mene pa lusongo lwà mukùnà mukwàbò lwàlwa. Tàngilà nyòyi yàya. Udi muyimòne pàmwè anyi?”

Mémè kwàngata. Mémè ne: “Nèngāmbè ne, s’ki yòyi yàya mwaba wàwa, menemene.”

¹⁵⁶ Yèyè ne: “Èè, s’mbipicìibwe ne twètù baalùkile kwìnshì eku, kwasa lwendu mu dindà pabwìpì ne díbà isàtù wa bufùkù’s.” Yèyè ne: “Bìvwa bikèngela twètù kwikala kuulu kwàka patwàmbà kufika pa díbà citèèmà, anyi kuumukila pa díbà dikùmi. Bimpàngà byà bikolè nebùikalè bilàādile panshì. Ki cìikalà díbà menemene.”

Mémè ne: “Mbintu bikwàbò kaayi bìdi byènda binyungulukila kwàka byàbya?”

¹⁵⁷ Mémè ne: “Ki mbowà nyèyè awu.” Mémè ne. . . Nènku, mu ntàntà wa kilòmèètà citèèmà, nudi bamanyè’s, mbikolè bwà kumanya cìdiyì’s.

¹⁵⁸ Ne pashìishe, kuumukila piinè apu, mu ntàntà wa kilòmèètà nkàmà citèèmà ne makùmi àsambòmbò, mùshindù wùdi cikòlòlò cìbùùka awu, kakwèna nànsha mupwa anyi kajila to. Ne paùdì ukafika ku Côte Ouest, udi uya ntàntà wa kilòmèètà mitwè ku cinunu ne nkàmà yìbìdì ne makùmi mwandamukùlù too ne ku Vancouver, kakwèna nànsha kaaba kakesè kàdi bantu bàsanganyiibwa to. Kàdi bantu bàdi bālonà, bàya mu *nùnkù* ewu, ng’Anchorage, mu ntàntà wa kilòmèètà mitwè ku cinunu

ne lukàmà ne makùmi àbìdì anyì cinunu ne nkàmà yìbìdì ne makùmi mwandamukùlù. Walukila mu *nùnkù*, bwela lubilù mu kaacimenga kakesè, Yellowknife, mùdì upeta màzuwà a màyi musangu wùmwè ku cidimu bwà ba-Esquimos. Nènku, pashìishe, ufika mu Russie. Pa nànkù, udi menemene ànu nkààyeebè. Apu mpàdì Nzambì mwà kwangacila diikisha Dyèndè, kuulu aku, kule ne ntàtù yètù yònsò ne mateeta mutùdì tuMutèèka amu. Pa nànkù mèmè ntu munangè kubàndakù ne kwakula Nendè pàdìYe mwikishe apu, nudi numòna's, ki dìbà adi ànu mùvwàbì makèlèlèlè dilòlò mu—mu màzuwà a màyi awu.

¹⁵⁹ Nènku patwàlùkìdì kwinshì aku, ki pààkacyàbu mu dindà twètù kwasa lwendu pa bwebwebwe. Lwà pa dìbà mwandamukùlù, tukààvwa bapìcìle mu tuumicì twà musànya ne bikwàbò byònsò, too ne mutwàlu kufika ku lusongo lwà kakùnà aku. Nènku mu njila wa dibànda awu, ki mbowà mukolè uyaàya ewu, mpànga wa bunène ne bule bwimpè. Kuyayè, kubàndayè kakùnà aku, mwikàle ne nsèngù yà bipaapupaapu. Ki mèmè kwamba ne: “Èè, ne pa nànkù ki mbowà wa kumpàlà ùnkaadìku pàànyì mumòne kacya mu diitu nyèyè wàwa, wa cisuku. Ncìtukù mwanjì kufika mu mwaba mutùmbùke nùnkù kacya kwònsò eku to.”

Yèyè ne: “Èyo. Ki mbowà nyèyè awu.”

¹⁶⁰ Ki twètù kutùngunuka ne kubànda kakùnà aku ne twètù kutàngila. Mikòòkò kayìvwamù to. Ki mèmè ne Bud kutwà eku ne eku. Ki Eddie kubanga wàbwela apa wàbwela apa, ne Blaine, mwanèndè wa balùme awu, bènda bàkènzakana bàkèba nyama yà dyasa.

¹⁶¹ Ki twètù kuseemena lwà apa, nènku, kaa, ekèlekèle, mèmè kwela ànu lubila lukolè ne: “Butùmbì kùdì Nzambì's wè!” Mèmè kutàngila kwinshì aku, kùvwa mikùnà yà minènè yà nsongo mibwikila kùdì nêjè ayi, bilembwalembwa byà mbowà byà kàlaabi mwinshì mwà nêjè amu. Ne kwinshì kwà byòbì abi kùvwa kùlwa micì yitù ànu ne mabèjì mabìshì ayi, cìvwa nkaadiitu kàà tubèjì tusongòlòke twà tuyèkè. Ki twètù kufika kwinshì kule ndambù, kùvwa kiitwitu kàà tushà twà mpànga, kakùnze. Kumpàla aku ndambù, kùvwa trembles, yà kàlaabi. Byònsò abi biikàle biidileejila mu dijiba lwà kwinshì kwàbì aku. Kaa, ekèlekèle!

¹⁶² Mèmè ne Bud twètù kwelangana ànu mabòkò kunshìngù, ne kujà ànu ndambù maja a ditùpika twenda tunyùngulukila mwaba awu, tutuuta ànu mikòbolo ne twela mbila, ne tutùmbisha Nzambì. Ki twètù kusòmbela panshì ne mabòkò meelangana kunshìngù, ne kutùmbisha ànu Nzambì. Nènku twètù kupicila mu cikondo cilenga cyà dikèma, ngeela meeji, munda mwà mèbà matwè ku àbìdì.

163 Ki mêmè kwamba ne: “Ambà tũng, ndi ndikonka cidi cyenzèkèle Eddie?” Tuvwa bamwinyike ne “Dude.” Nènku, twètù kwalukila. Twètù kwasa lwendu kuya luseke lukwàbò lwà kakùnà aku. Mêmè ne: “Kí mmufwànyine kujìmina lwà apa to.”

164 Ki mêmè ne: “To. Blaine ùdi lwà kuntu kwàka mu mwaba kampànda, ne yèyè’s ng’Indien.”

165 Ki twètù kukènzakana, ne mêmè kumòna cyamù cyà mpòngòlòfwatù citèeka mwaba awu. Mêmè ne: “Civwa cyà Eddie.” Mêmè kutàngila kwìnshì kwà kakùnà aku. Ki mêmè kuya mu *nũnku*, ne yèyè kuya mukwàbò mùshindu.

166 Kàdi Eddie ùvwa munkaci mwà kwenza ne: “Sh-sh-sh-sh.” Ùvwa ùjikangana ne mbowà mukesè, wa mpànga awu. Nènku ùvwa muswè kumwaluja kwìnshì aku, kumudiisha kùdi balundà ba-Indiens kùvwaye wènza bumpandanjila aku. Pa nànkù, kwasayè mbowà awu. Twètù kupweka ne kumusukula.

167 Kwalukila, tukààvwa lwà pa díbà ùmwè jaajaaja. Twètù kusangana cyàkàbidì tubalù twètù twà díbànda atu, mu ntàntà wa mètres nkàmà mwandamukùlù, mùvwàtu twimàne amu. Nènku tuvwa biimànepù. Yèyè kwamba ne: “Mwanèètù Branham, utu munangè kwenda lwà makàsà anyi?”

Mêmè ne: “Ntu mucinangè cyà bushùwà.”

168 Yèyè ne: “Twètù babànde mukùnà ewu. . . Bimpàngà byà mìkòòkò abi mbiyiilè *eku*, ne mbipwekè bikabwelè mu ditùbù dikwàbò dyàdya, pàmwàpa. Yòyi kayiyi mikabwelèmu to, mmyalùkidilè njila mukwàbò *ewu*.” Yèyè ne: “Eddie ne bakwàbò abu bàalukilè, ne bàpicilè mu mwaba mukòsa *ewu*, ne bàngatè kàànyì kabalù kàà díbànda ne kèèbè kabalù wèwè kàà díbànda, bàmbule mbowà bàye nendè ku citùdilu. Nènku twètù netùpicilè apa twenda twenda lwà makàsà too ne ku mwaba wàwa. Ne nebìkengelè bwà twètù kwalukila lwà pa díbà dikùmi anyi dikùmi ne umwe diòlò edi.”

Mêmè ne: “Mbìmpè. Netwènzè nànkù.”

169 Nènku, tuvwa biimàne mwaba awu. Twètù kudyà ànu dikopo dyà misangì, òmwè ku muntu, yònsò wa kutùdi. Ki twètù kujìika mwinshì mwà bilembwalembwa abi, misangi eyi. Ne màmpanà ètù, tuvwa baèlè mu mitèèlù, kàdi twètù kukòpakana too ne mwàkalwàwu ònsò awu dibùlù dinènè òmwèpelè. Kàdi àvwa mimpè, paùdi ne nzala. Ne àdi bimpè. Pa nànkù, tuvwa biimàne mwaba awu.

170 Kàdi mvwa ànu nkènzakana. Ki mêmè kutàngidila mu tulòndò. Mêmè kwamba ne: “Bud, tàngilà kùneeku. Ncinyi cyàcyà kwàka nàka?”

171 Mu ntàntà wa wipacila kilòmèètà mitwè ku yìtaanu, mbòwà awu nyawù ùvwa mulààle mwaba awu. Ne ùvwa wa pabwèndè. Kacivwa nnsèngù yà bipaapupaapu to; yivwa nyà misongòlòke. Mêmè ne: “Udi muvùlùke anyi? Tàngilà kùneeku.

S’ki mmwènekeli wa pa bule awu wàwa, ànu menemene’s. Ne s’ki nyama udi mulààle panshi wàwa, ànu mùvwàbi.” Mémè ne: “Kùdi cintu ànu cìmwèpelè cìdì cìpangishà cìkèènà-kumòna aci, mmuntu mwikàle ne mutèèlù wà màyi a matàmbà, mutèèlù wà matobàmatobà awu.” Kàdi ki Eddie wàwa mwimàne muvwàle mutèèlù wà màyi a matàmbà, wà matobàmatobà. Mémè ne: “Pàànyi’s mvwa ndyàmbedila ne kùvwà naawù.”

172 Yèyè ne: “Mukàjàànyi ngudi ne cyà kwikala muwèlè mu cibuta. Pàngädishindi mu màyi, makèlèlè awu, ngààlu kushintulula mitèèlu.” Yèyè ne: “Ncivwa mumanyè ne ùvwa muwèlè muntamu to, Mwanèètù Branham. Ùmfwilèku luse bwà mùndi mukwambile cintu cyà kaciyi cyòci.”

Mémè ne: “Bìvwa bikèngela ànu wèwè kwenza nànkù’s, mwanàanyi wa balùme.”

173 Kaa, Bud kubanga kwela mbila. Yèyè ne: “Udi mwà kwimana ànu kaaba aka mene ne kumwasa, mu ntàntà wa kilòmèètà yitàanu. Kí mmwòmò anyi, Mwanèètù Branham?”

Mémè ne: “Bilondèshile cìkèènà-kumòna aci, mvwa ànu pabwìpì nendè.”

174 Yèyè ne: “Mwanèètù Branham, ndi nkwambila’s, neùkafikè kwìnè kwàka bìshi?”

Mémè ne: “Ncyèna mumanyè to, kàdi nènkufikè.”

Ki yèyè ne: “Neùkufikè bìshi?”

Mémè ne: “Nényungulukè mwaba wònsò wà kacya wàya ewu.”

175 Yèyè ne: “Mmwaba wà diima.” Ki mémè. . . Yèyè ne: “Wèwè musenùnùke, newikalè ne cinunu cijimà cyà tonnes yà nèjè pambidi pèèbè, mu kasùnsukilà kàà kasunsa.”

176 Ki mémè ne: “Mukalenge ngwatàngila bwalu abu. Mùshindù awu ki wùmvwà muyè, mu cìkèènà-kumòna aci, ànu ngenda nyùnguluka.”

Yèyè ne: “Èè, nèngùikalè ngenda nkulonda.” Ki yèyè ulwàlwa ewu.

177 Ki nsongàalùmè eyi kwambayi ne: “Twètù netùshaale apa mpindyewu too ne pawàpetà mbowà awu,” ki bôbò ne, “pashiishe netù—netùpwekè, tuye kangata tubalù kàdi tubwelèmu. Netùkatwilàngànè neebè kwìnshì lwà ku ndekeelu kwà lubùwà, kaa, mu ntàntà wa wìpacila kilòmèètà yisambòmbò anyi mwandamukùlù kwìnshì aku.”

Yèyè ne: “Èyo.”

178 Ki twètù kwasa dinyùnguluka, mémè ne Bud. Bu mu citùpà cyà dībà nànkù, twètù bajikije dinyùnguluka adi. Nènku mbowà awu mulààle panshi apu, mutàngile buludi kutùvwà aku, kàdi kàyikù mutùmòne to. Ùvwa ne cyà kwikala mulààle tulù. Nènku twètù kubàndila mu kaacikòsolwedi kakesè, ne kwalukila, ne

kusemena mu ntàntà wa mètres citèèmà nendè. Ki yêyè awu mulààle panshi mwaba awu. Nyama munène, wa katankù ewu, kujuukayè mwaba awu, pàànyì kumwasa.

¹⁷⁹ Nènkù patùvwà basòmbe mwaba awu, twangata mètre wa dipima nendè, ku yêyè awu, ne bikwàbò, mùshindu awu, Bud kwambayè ne: “Uvwà mwambè ne nsèngu eyi yìvwà bule bwà centimètres lukàmà ne mwandamutekète anyi?”

Mémè ne: “Ncyà bushùwà menemene.”

¹⁸⁰ Yêyè ne: “Mwanèètù Branham, yìdi ne cyà kwikala bule bwà centimètres nkàmà yìsàtù ne makùmi àsambòmbò,” nnyama munène be.

Mémè ne: “To. Yìdi ànu lukàmà ne mwandamutekète bulubulu.”

Yêyè ne: “Mémè ndi ne mètre wa dipima nendè kuntwaku.”

Mémè ne: “Udi ucyèla mpatà anyi?”

Yêyè ne: “To, mukalenge.”

¹⁸¹ Yêyè ne: “Kàdi, anji indilàbi kakesè, kùvwakù mungambile ne newàsè ours munène wa lwonji mufìkùlùke kumpàlà kwà wèwè kwalukila kwinshì kwàka anyi? Kùvwà mwà kwikala ours wa cisengàsengà, kumpàlà kwà wèwè kwalukila kùvwà nsongàalùmè wàwa, udi muvwàle mutèèlù wà màyì a matàmbà wàwa anyi?”

Mémè ne: “Aci mbulelèlà.”

¹⁸² Kutàngilayè paanyimà kwinshì kwà kakùnà aku. Èè, kakwèna cintu cyà citùmbùke *nàka* to, nànsha cìmwè. Ànu bilembwalembwa, ki cyònsò cinùdi numòna, mu kilòmèètà ne kilòmèètà, ànu tukùnà twà bilembwalembwa bituuta mavwala. Yêyè ne: “Udi penyì mwinè awu’s, Mwanèètù Branham?”

¹⁸³ Mémè ne: “Yêyè ùdi mwà kumumpetela. Yêyè ngudi mwambè nànkù.” Mémè ne: “Wèwè udi ucyèla mpatà anyi, Bud?”

Yêyè ne: “To, mukalenge.”

¹⁸⁴ Èè, mu kupweka kwà kakùnà, tuvwa twenda tulwa mùshindù *ewu*. Yêyè ùvwà wàmbula cingoma katanci, ne mémè mwambùle nyama awu, twenza kushintakaja. Bivwa ànu bikèngela bwà twenda basendàme, mu dipweka amu, nsèngù minène ayi yènda ànu yìlaaba mu bilembwalembwa amu. Ki twètù kufika mu ntàntà bu wa kilòmèètà umwè ne citùpà nànkù awu. Twètù kwimana ne kukènzakana. Yêyè ne: “Bikèngela ours mukolè awu àmwènèkèkù’s, kì mmwòmò anyi?”

Mémè ne: “Ncinyi cyùdi—cyùdi uditàcishila’s?”

Yêyè ne: “Nànsha cìmwè.”

¹⁸⁵ Twètù kutùngunuka too ne patwàkafikà pa kaadibwe kampàndà kàà mashika kapìcile mu njila. Twètù kusòmbapù ne kwanji kupetakù ndambù wa citaleela. Yêyè ne: “Mwanèètù

Branham, anjì elàbi meeji pa bwalu abu,” yèyè ne, “katwèna bapite, kaa, nànsha cyàbibidi cimwè cyà kilòmèètà to bwà twètù kufika pàdì nsongàalùmè ayi, ne mwaba kampànda pankaci pàà kaaba aka ne kwòkù aku neùshebeyè ours wa cisengàsengà awu.”

¹⁸⁶ Mémè ne: “Ncyà bushùwà. Ncyà bushùwà.” Yèyè ne . . . Mémè ne: “Wèwè udi wela bwalu abu mpatà, Bud.”

¹⁸⁷ Kujuukilayè kuulu e kunkwàtayè ku cyanza. Yèyè ne: “Mwanèètù Branham, mwanèètù wa balùme awu kî mmupalùkekù musangu nànsha wùmwè to kacya ànu ku ditùkù adi too ne leelù.” Yèyè ne: “Nzambì mwinè uvwa mwà kukwambila bwà mwanèètù wa balùme awu, kî mmufwànyìne kukushima to.”

Mémè ne: “Bud, nyama awu’s neikalèku.”

Yèyè ne: “Neàfuminè penyì?”

¹⁸⁸ Mémè ne: “Ncyèna mumanyè to, kàdi,” mémè ne, “Bud, ndi ne bidimu makùmi àtaanu ne bibìdì,” (musangu awu’s), ki mémè ne: “nkàadi mumòne bikèènà-kumòna, kacya ànu ku bwànà. Kàdi pàngàmònu mbowà ewu kaaba aka, mumushebèye, kàdi ùmonè nsèngù ayi ní kayèèna bule bwà centimètres lukàmà ne mwandamutekete. Ne pashùshe, cikèènà-kumòna cimwècimwè aci, mémè mu njila wa dyalukila mutàngile kùvwà beena dyànyì, bàmvwà naabò abu, mémè kushebeya ours wa lwonji, wa cisengàsengà ewu.”

Yèyè ne: “Mwanèètù Branham, s’ndi mwà kumòna too ne mu ntàntà wa kilòmèètà makùmi àsàtù ne yìbìdì.”

¹⁸⁹ Yèyè ne: “Nebikengelè bwà Nzambì àmupàtwile mu buloba’s, anyì àmutùlwlìle mu maulu, anyì cintu kampànda.”

Mémè ne: “Kuditàcishi to. Nyama awu neikalèku.”

¹⁹⁰ Twètù kwenda kàbìdì ntàntà mukwàbò wa mètres makùmi citèemà. Úkaavwa pèndè ànu bu muzengèlè’s. Ewu ùvwa ne bujitu bwà kilò mitwè ku makùmi àbìdì ne yìsambòmbò, civùlukilu eci. Pa nànkù, mu kupweka kwà kakùnà aku, ki yèyè—yèyè kumutèeka panshì. Kwambayè ne: “Yoyöyò! Nkàadi mupùngile ngamba kufwà.”

¹⁹¹ Mémè ne: “Èyowà.” Twètù kubwela mu kaadiitu kàà tubèjì tusongòlòke kàà tuyèkè, diitu dyà tuyèkè díbà adi, twìpacila butùmbùke *ebu*. Mùvwà nyuunyi yà nkwardi milùme yìbùùka eku ne eku, ne mùvwà nkwardi mikàjì, nènku mémè kuyààsa mabwe mùshindù ewu.

Ki kwambayè ne: “Ukàadikù mudyè yìmwè yà ku nkwardi mikàjì ayi anyì?”

Mémè ne: “Bwálà. Ncyèna ngeela meeji ne nkàadikù muyidyè to.”

192 Yèyè ne: “Mmîmpè be. Mmîmpè ànu mùdì nyuunyi yà nkwadi milùme amu.” Yèyè ne: “Mwanèètù Branham?” Kuumushayè cifulu cyèndè cinènè cifikè cyà kale aci, kudyèlayè kapeepà. Yèyè ne: “Dìbà dikaadi dikùmbàne bwà ours awu àmwènèkè, kî mmwòmò anyì, mulùmýànà?”

Ki mèmè kwamba—mèmè kwamba ne: “Bud, wèwè udi ucyèla mpatà.”

193 Yèyè ne: “Bwǎlà. Kí nnàнку to. Kàdi, Mwanèètù Branham, ncyèna—ncyèna—ncyèna ànu mwà kuumvwa to.”

194 Mèmè ne: “Nànsha mèmè pàanyì. Bwànyì bwalu kî mbwà kuumvwa to. Bwalu bwànyì mbwà kwitabuuja.” Amen. Nzambì mu Dyulu mmumanyè ne bintu ebi mbilèlèlè. Ndikù mufwànyìne kwimana mwaba ewu kwamba cyôci eci, bu kaciyi cilelèlè anyì?

195 Pashìshe mèmè kubanga kukùdimuka, bwà kumupèèsha cingoma, ne mèmè kwambula nyama awu. Kàdi pàmvwà nkùdimuka apu, mèmè kwamba ne: “Bud, s’udi ne tulòndò atu munshingù. Ncinyì cidi ciimàne ku luseke lwà kakùna cyàcya?”

196 Ki kujuulayè tulòndò atu. Yèyè ne: “Kaa, ndi ngambilamu’s,” yèyè ne, “àpu ní nngombe wa mabèèle wa muntu kampànda!” Kakùtu cintu bu nàнку mu citùpà cyà buloba aci to. Yèyè ne: “Wàwa’s ng’ours wa lwonji wa mutàmbe bunène wùntù nciyikù mwanjì kumòna kacya bándela. Kàdi ndi ngambilamu’s, tàngilà dìbà dyà kàlaabi didì dikenkeshà pambidi pèndè dyàdya. S’ng’ours wa cisengàsenga.” Yèyè ne: “Udi wèwè wamba ne udi mu ntàntà wa bule kaayi?”

197 Mèmè ne: “Udi mu ntàntà wa kilòmèètà mitwè ku yìsàtù ne ndambù kuulu kwàka.” Kàdi tukààvwa bu bazengèlè’s. Yèyè ne. . . Mèmè ne: “Citùdì bindìle ncinyì? Twàyi.”

Ki yèyè ne: “Udi mutwishìibwe ne neùmwasè anyì?”

Mèmè ne: “S’ncyà bushùwà ne nèmwwasè.”

Yèyè ne: “Ncingoma kaayi cyùdì ukwata naaci mudimu aci?”

198 Mèmè ne: “Mpindyewu, kùtácishi meeji bwà aci to.” (Kàvwa nkaacingoma kakesè kàvwà mwanèètù kampànda mumpèèshe mu disangisha musangu kampànda, kùkaavwa bidimu byàbùngì.) Ki mèmè ne. . . (Kaacingoma kakesè, kàà musinga mupuutula kàà .270.) Ki mèmè ne: “Eyo. Ndi ne. . . ndi. . . Necyènèkè.”

199 Twètù kutùngunuka ne kutàmbe kusemena. Patùvwà tutàmbe kusemena, nyama awu pèndè ùmwèka mutàmbe bunène yèyè mwinè. Kaa, ùvwa ùmwèka bu katankù wa mu bisoosà byà nyama musòmbe kuulu aku pa bilembwalembwa abi, nudi bamanyè’s. Cintu ciimàne, cinène, cyà menemene, cyà katankù, mutù wàmbe kwipacila bunène *ebu*, nudi bamanyè’s, ne mbàngà myalàbàle, ne makamà manènè a menemene. Ne ùvwa ùtùla tuumatàmbe tukèsè twà mbèèlèbeele etu, mùshindù *ewu*, nudi bamanyè’s, mwikàle ùtùdya. Nènku musòmbe, mulùmýànà

munène menemene! Twètù kufika, kaa, mu ntàntà wa wìpacila mètres makùmi mwandamutekète nendè.

200 Yèyè ne: “É, Mwanèètù Branham, kacya ukààdikù—ukààdikù mwasè ours wa lwonji mufìkùlùke kwònsò eku anyì?”

201 Mémè ne: “Nkààdi mwasààse ours yàbùngì, Bud, kàdi kacya ncítukù mwanjì kwasa ours wa lwonji wa cisengàsengà kwònsò aku to.”

202 Yèyè ne: “Udi mumanyè’s, ours wa cisengàsengà awu ngutu mutàmbe kwikala mulwishanganyi munène ku yòyi yònsò.”

Mémè ne: “Éyowà, ngǔmvù aci.”

Yèyè ne: “Yèyè kàtu mumanyè ne kufwà kùtu bìshi to.”

Ki mémè ne: “É?”

203 Yèyè ne: “Kwikadi . . . Mmu ntàntà bule kaayi—kaayi—kaayi mùdi . . . ? Bìdi bikèngela bwà wèwè kuseemena nendè mu ntàntà bule kaayi ne cyòci aci?”

204 Mpindyewu, mukonkàayi ànu yèyè awu. Mufùndilaayi mukàndà. Mémè nènkwambilè mwaba wùdiye. Yèyè ne: “Muntu kanà yònsò ewu àmfùndilè mukàndà pa bwalu abu, udi muswè awu, pa cyònsò cyà ku bintu abi. Mémè mmwambilè.” Nènku ki . . .

Ki mémè ne: “É?” Mémè ne . . .

Yèyè ne: “Mpindyewu anyì?”

205 Mémè ne: “To, to. Mémè mvwa museemène mu ntàntà mwìpì kùdi ewu, Bud. mvwa ànu pabwìpì, pabwìpì nendè.”

206 Yèyè ne: “Tukàadi tutàmba kuseemena pabwìpì mpindyewu. Yèyè’s ùdi mwà kuvuma dîbà kanà dyònsò.”

207 Mémè ne: “Aci ndi mumanyè. Kàdi,” mungààkambà, “Bud,” mémè ne, “s’nebìikalè ànu bimpè.”

208 Yèyè ne: “Mpindyewu, paùdi wasa ours,” yèyè ne, “mpindyewu, Mwanèètù Branham, s’udi umwashila lwà paanyimà’s. Bikèngela ùmusùnsùlè, bwalu yèyè neàtungunukè ne kulwangana, kàyi mwà kujuukila kuulu dîbà adi to.”

Mémè ne: “To, bilondèshile cikèènà—kumòna aci, ngákamwashila mu mwoyi.”

Yèyè ne: “Ndi ntèkemena ne kwèna mutùpàkànekù pa bwalu abu to.”

209 Mémè ne—mémè ne: “To.” Mémè ne: “Ndi muvùlùke bwalu abu.” Bwalu, mu—mu cikèènà—kumòna, wèwè udi mu—udi mu cyumwìlu cimwèpelè, ne byònsò bìbìdì, mutuùwà bacyùmwijè dilòlò adi amu. Wèwè udi mu bìbìdì. Kwèna mwà kucìpwakù mwoyi to. Nwamònu anyì? Pa nànkù’s ki bwalu mbwòbù abu.

210 Ki twètù kuseemena cyàkàbìdì, mu ntàntà wa wìpacila—wa wìpacila mètres nkàmà yìbìdì ne makùmi àsàtù. Ànu aci ki civwà

mupwa mukese wà ndekeelu wutwàkasambukà. Ki mèmè ne: “Eci ki ntàntà mpindyewu. Mutàngilèbi. Ki mmulenga anyi?”

Yèyè ne: “Èyo, ndi ngeela meeji ne mmùdiye.”

211 Ki—ki mèmè ne: “Èyo, Bud. Mpindyewu pàngàajuukà kaaba aka, yèyè ùdi ùlwa.” Ki mèmè ne: “Utàngilè wèwè ànu cyanààna.”

Ki yèyè ne: “Nèngìikalè mutàngile.”

212 Pa nàнку mèmè kwela dízajì mu lubungu lwà cingoma amu, nudi bamanyè’s. Nèнку tukààvwa bapwekè kwìnshi kwà mupwa mukese ewu. Ndi mwenzè anu njuuka, ki yèyè ulwàlwa ewu. Ekèlekèle, ekèlekèle! Mèmè kwimana, kutuuta cingoma, kàdi kuumvwikaci ànu bu mùdi mulonda mumutuutè’s. Balùmyàna wa yààya, kacýàkamunýukushakù to nànsha kakesè, nànsha kakesè. Nèнку, ekèlekèle, kumpàlà kwà . . .

213 Nwènú bàdi bààkulà bwà lubilù’s! Kacya ncívwakù mwanjì kumòna cintu nànsha címwè cyà mùshindù wàwa to. Yèyè, mmufwànyìne kupìta kabalú, kashà ku lubilú, anyì ni ncinyì, nudi bamanyè’s, ours yèyè udi mwà kubipìta, mùshindù awu. Yèyè ùpweka buludi kakùnà aku, mutàngile búludi kutùdi, mùshindù awu.

214 Nèнку mèmè, kumpàlà kwà mèmè mufwànyìne kwela dikwàbò dízajì mu cingoma, yèyè mumbè mudyèlè panshi mufwè cikàdi, mu ntàntà bu, kaa, bu wa mètres makùmi àbìdi ne mwandakutekètè, makùmi àsàtu ne àsambòmbò ne mwaba wúmowà awu, kukùdimukayè ànu eku ne eku; bimwangàte mwoyi, bisùlùsùlù, ne byònsò, munda. Dívwa ndízajì dyà Nosler, munùtù nwènú beedi bàà màzajì mu bingoma ne byanza bamanyè amu. Ki dyòdi—dyòdi kumusùsuladi’s, ne kudishìndayè.

215 Bud, mwimàne mwaba awu, kukenketayè, ku mishìkù kumutòòkolokakù kwònsò. Yèyè ne: “Mwanèètù Branham, ncívwa muswè bwà kulwayè kudyèla mùndì to.”

Mèmè ne: “Nànsha mèmè pàànyì.”

216 Yèyè ne: “Yoyòyò.” Yèyè ne: “Ndi muswè nkwbìlè, paanyimà pàà bwalu bumàne kujika, mulùmyàna. Bu ne kacívwa címwè cyà ku bikèèna—kumòna abi to, ne bínkaavwà mumòne byenzèke kumpàla abi, nùнку ncyènakù mulwè kaaba aka, pabwìpì ne ours awu, pàmwè neebè to.”

217 Nèнку nànsha umwe wa kutùdi kàvwakù mwà kumunyungisha to. Úvwa ne bujìtu bwà kilò yipacila ku nkàmà yìnaayi ne makùmi àtaanu, ngeela meeji, pa nàнку, mulùmyàna wa katankù, munène. Katùvwa ne mùshindù wà kumusukula to, tuvwa ne . . . kumuuvula cisèba. Twètù kubanga kupweka. Ki twètù kwamba . . . “Mwanèètù Branham?” Twètù kwangata nsèngu ayi. Yèyè ne: “Nsèngu ayi yòyi ànu menemene bule bwà

centimètres lukàmà ne mwandamutekète,” yèyè ne, “s’nênyeemè ànu bu mupâle.”

218 Mémè ne: “Nàнку, bikèngela ùbangè mpindyewu mene, bwalu ki bule bùdiyi.”

219 Yèyè ne: “Kacya ncitukù mwanji kumòna ci—ci—ci. . . Bìdi bìmwèka bu ne ndi munkaci mwà kulòòta cyôci eci’s.”

220 Nèнку patwàpwekì kwinshì aku, ne mémè kwa—kwambila Eddie, ngamba ne: “Mpindyewu tàngilà. Blaine neàteekè byanza byèndè.”

221 Mpindyewu, nudi bavùlùke ne, kùvwa kaacyanza kakesè kanyùngùlùkile lusèngù alu. Udi muvùlùke anyì, Mwanèètù Fred, múmvwà munwàmbìle ne nekiikalèku?

Ki mémè ne: “Citàngìlè,” ngambila Eddie.

Nèнку ki Bud ne: “Indìlaayi.” Yèyè kuya katèèka kabalù kèndè kwàka.

222 Ne tuvwa bambùle ours awu pambidi, nudi bamanyè’s, ne tubalù atu twikàle ànu tusùnsulula bintu byònsò. Nudi bamanyè mùtùtu twènzà padìtu tùmuvwa mupùuyà wà ours mufikùlùke anyì ours wa mùshindù kanà wònsò amu. Ki mémè—mémè kuya kuntwaku, kukwàta, nteeta bwà kukwàta kabalù aku, cisòmbèdi cyà pa kabalù cyàmba kutùuka.

223 Ki kuya kangatayè mètre wèndè wa dipima nèndè awu, ne kulwayè wènda ùkòsolwela mwaba awu, muntàngìle, mùshindù ewu. Yèyè ne: “Lwàku apa, Blaine.” Mémè kutuuta Eddie cintu. Kuàtèèkayè pa cyôci eci. Amen. Kàdi ndi ngambilamù’s, centimètres lukàmà ne mwandamutekète, bulubulu!

224 Mpindyewu, nsèngu ayi yìtu yìwatalala yìjimija bule bwà centimètres mitwè ku yìtaanu pàdiyi yùma. Ours wa lwonji mufikùlùke awu ùdi ùsanganyìbwa mu cibambalu cyànyì cyà ciikishilu, ne nsèngu ayi mmikùdika ku cimanu. Muumishi wa bisèbà ùvwa mubìlongòlòle, ne mubyàkàje. Kùdi mètre wa dipima nèndè mulembelejapù, ànu centimètres lukàmà ne mwandamutekète, menemene.

225 Mpindyewu, ncinyì civwà Nzambì mufwànyine kwambidila muntu cintu cyà mùshindù awu, bwà lwendu lwà bulembi?

226 Pàngààkaalukilà, mààmù ùvwa ùsaama. Mémè kuya bwà kamumòna. Yèyè ne: “Billy?” Nwamònu’s, Ùvwa uùnkolesha ku mwoyi, ùdongolola ku cintu kampànda.

Mémè ne: “Maman, Mukalenge’s ùkaadi misangu yònsò ànu mukwondòpòndòpe.”

Yèyè ne: “Billy, nkàadi ngaalukila Kumbèlu bwà kuya kamòna papa.”

“Kaa,” mùngààkambà, “maman, kwàkulu mùshindù awu to.”

Yèyè ne: “Èyowà’s, eku ngamba.” Mémè kumusambidila.

Ne Mwanèètù Fred ne bantèmù bònso bàdi basòmbe apa aba mbamanyè.

227 Pashiishe, katanci aka, kuyabò nendè mu lùpitaadi. Ngàngàbukà kàvwa nànsha mumanyè ne lutàtù lùvwa cinyi to. Èè, mémè kuya bwà kamusambidila. Yèyè ne: “Mwanàanyi, nnkàadi nya.” Nènku mpindyewu, mààmù mu mùshindù kampàndà ùvwa mukàjì wa bukolè’s, twamb’eku twamb’eku.

228 Dìngà ditùkù, ndambù wa matùkù paanyimà pàà cyôci aci, mémè kubwela. Ùvwa mwimàne mwaba awu, mutàngile buludì muulu mu Maulu. Kwambayè ne: “Billy, ndi mukumòne.”

Mémè ne: “Mòna’s, bushùwà’s, maman.” Yèyè ne: “S’nyewù nkumòna ànu mwab’ewu mene.”

229 Yèyè ne: “Kaa, udi mukùlakàjì be, Billy,” yèyè ne, “mvya yèbè ne myedi mbilembèlèlè ànu pàmwe’s. Udi ne dibòko dijìngila ku nkùrusè, wòlola cyanza bwà kumpeta mémè.” Mémè kupeta cingenyinyenyi cimpè díbà adi, cìvwa ncyôci.

Mpindyewu, nwênù bânà bèètù kaaba aka nudi bamanyè ne aci mbulelèlà.

230 Ditùkù dyàkalondà òvwa mmu dyàlumingu. Mvwa munkaci mwà kuyiisha. Kuntùminabò mukenji ne: “Webè. . .”

Mémè ne: “Ncyèna ngiitabuuja ne mààmù ùkaadi ùya to. Nzambì ùtu misangu yònsò ànu ùndeeja, beena fàmiyè wanyi pa kuyabò. Kàdi, bwà mààmù, Yèyè kí mmundeejèku kantu nànsha kàmwe pa bwalu abu to.” Kì mukenji wùlwalwà ewu. Byà bwalu mvwa ànu munkaci mwà Diyisha dyànyi, mùshindù ewu. Muntu kubwelayè, wàmba ne: “Ndà, ndà kùdi mamwèbè ànu mpindyewu ewu. Mubiikilè ku tèlefonè. Ùkaadi ùpunga ne lufù, mu kasunsa emu.”

231 Mémè ne: “Lufù, mulekèlè mu ditalala. Dìyì dyà Nzambì didi ne mushinga kutàmba aci.”

232 Muntu udi musòmbe kaaba aka mene ewu, Mwanèètù Borders. Paanyimà pàà disangisha dimanè kujika, mémè kuya bwà kamòna mààmù. Mémè kusambakeena ne Mwanèètù Borders. Kwambayè ne: “Mwanèètù Bramham, wèwè kwènà menemene bule bwà mètres àbìdì to, kàdi ndi mumòne muntu wa mètres àsàtù mwimàne mu cyambilu mu dindà emu.”

Mémè ne: “Mwanèètù Borders, Nzambì neatangilè byònsò abi bwà maman.”

233 Kì ndambù wa matùkù paanyimà pàà cyôci aci, kumbiikidishabò mu cibambalu amu, ne yèyè ùkaavwa ùya cyà bushùwà. Mémè kukungwija bânà, banyungùlùkile bulààlù. Mémè kwamba ne: “Maman, ncyà bushùwà ne ukàadi uya anyi?”

Yèyè ne: “Èyowà.” Pashiishe kàcìvwa kàbìdì mwà kwakula to.

234 Mémè kutungunuka ne kumwambila ne: “Yesù ùdikù ne mushinga kaayi bwèbè wèwè, mààmù?” Ndi mvùluka mungàakamubàtiizà mu Dîná Dyèndè, kùkaadi ntàntà mule, mu màyi. Mémè ne: “Ngambilèku mushinga wùdìYe bwèbè wèwè mpindyewu.”

Yèyè ne: “Mutàmbe ne mwoyi bwànyì mémè.”

235 Mémè ne: “Maman, pìikalàbi ne ukàadi uya, mémè ewu’s ndi mwanèbè, ne. . .muyiishi. Ndi muswèku kumanya, mmanyina kùdì mààwù wanyì mundedi ukàadi uya katwìlangana ne Nzambì awu. Ndi muswèku bwà nkukwàtè ku cyanza kaaba aka, maman.”

Mémè ne: “Ndi muswè bwà wènzèku nànkù.” Mémè kushààla ànu kacya ngaacìkwàta.

236 Kàvwa mwà kwakula to. Bivwa ànu bu ne ùvwa wenda ukwàcika tukùlàkàjì, kwìsù aku. Mémè ne: “Kùcyenà mwà kwakula kabidì anyì, maman?” Kàvwa mwà kwenza. . .Mémè ne: “Tèèlejà. Yesù ùcidi ànu umwèumwè awu bwèbè wèwè anyì?” Ùvwa mwà kushikula mutù.

237 Pashìishe kufikayè mu mùshindù wà kaciyi mwà kushikula kabidì mutù to. Mémè ne: “Mààwù, Yesù ùdi byònsò bwèbè wèwè mpindyewu anyì? Yèyè ùlwalwa kukwangata, mu katanci emu. Byònsò, bwèbè wèwè anyì?” Kàcìvwa mwà kunyunga to.

238 Mémè ne: “Maman, udi ne cintu ànu cimwèpelè, udi. . . Nyawù mmòna upòdya. Pìikalàbi ne Yesù ùcidi ànu ne mushinga wùmwèwùmwè awu bwèbè wèwè mùvwàYe kwònsò eku amu, ditùkù dîngàakakubàtiizà mu màyi adi, pòdyakù lùkàsàlùkàsà.” Kupòdyayè, ne binsònji bipweka, mùshindù ewu.

239 Ki Kacipeepèlè kakesè kulwakù, kàtuuta eku ne eku mu cibambalu amu. Ki Mààwù udi walukila Kumbèlù wàwa.

240 Mémè kwalukila kumbèlu, kupàtuka kuya ku nzùbu wa bitàlù, kusungula bilàmbà. Kaa, s’nudi bamanyè mutùbi amu. Byàkakèngelakù bwà nwènù kwenza cintu cimwècimwè aci. Bânà bònsò mu myadi, ewu pa mwaba, ne ewu, mukwàbò mwaba. Mémè ne: “Maman nguvwa mùlembà wà ciikishilu. Katwàkwikalakù kabidì mutùvwà amu to.” Doc ne dyèndè dîkù mu *edi* ditumba. Jesse ne dyèndè dîkù mu *dyàdya* ditumba. Tuvwa tufùma ku djiika Howard, kakùyì kwanji kwenza ntàntà to. Mémè kwamba ne: “Èè, bwètù bwàtùùku, balùmyànà wa yààyà.” Mémè ne: “Netwikalè. . .Katwàkulwa bwà kumòngana muntu ne mukwèndè to. Maman nguvwa ciikishilu cyètù.” Mémè ne: “Katwàkutàmba kumònganakù kabidì muntu ne mukwèndè to, bwà mpindyewu.”

241 Mémè kwalukila kumbèlu, mēbà a bufùku awu, paanyimà pàa twètù bamanè kumusungwila bilàmbà. Mémè kwalukila kwànyì kumbèlu.

242 Måndàmù D’Amico, kùdikù muntu mumumanyè anyì, wa ku Chicago awu? Ùwva mulundà munanga be wa kàmpanyè. Ùwvakù mumpèèshe Bible. (Mfwilaayikù luse.) Ne ùwva umwe wa ku Bibles yà màleetà mafùnda ne màyi makùnze ne mwela tirette awu. Ki muntu kampànda, pàngààkayiishà diyiiisha adi ne, *Mwànà Wa Mùkòòkò Nè Nyuunyi Wa Nkuci* adi apu, ùwva muntùmìne nyuunyi yà nkuci yìbìdì, bu bikwàcilu. Mukwàbò mwanèètù wa balùme, Mwanèètù Norman, ùwva muntùmìne kanyuunyi kakesè kàà nkuci, ne kànà kàà mùkòòkò, Mwanèètù Borders kumpèèshayè kànà kàà mùkòòkò. Mémè kwambula Bible awu. Meda ùwva mu ditumba, mufwàngàne ne mwadi.

243 Ne nwènù bònsò Beena Kantu-ku-byanza aba’s nudi bamanyè ne, pàmvwà nsanganyiibwa mu Jamaïque, ngàkamòna màmwènàànyì, munùlondèle ku mèèsà mu Jamaïque mwàmwa. Mémè ne: “Muntu kampànda wa mu fàmiyè wanyì ùdì ùpùnga ne lufù, udi kàciyi ne mènù to. Ndi mmumòna ùya.” Ànu ku mèèsà aku mene, Demos Shakarian ne bònsò bàà kùdìbo basòmbe mwaba awu. Nkupìte ànu ndambù wa mèba, màmwènàànyì kudishìndayè e kumbà kufwà, musangu wùmwè, nwamònu’s, kàciyi ne mènù to, ànu menemene.

244 Mémè ne: “Ngàmònu nsongàalùme kampànda ùtwila mashi.” Mémè kubiiikila, kwamba ne: “Kùshìyikù Billy. . .”

245 Kùdikù muntu kaaba aka uvwa ku—ku disangisha dyà ku Jamaïque adi kuntwaku musangu awu ku—ku Jamaïque, mu Kingston anyì? Ncyèna mwà kumòna to. Èyowà. Nyawù bàdikù bàbìdì. Ki dìbà adi. . .

246 Ki mémè kwamba ne: “Cìdi ne cyà. . . Billy, kùyì kuntwaku to. Ngàmònu nsongàalùmè kampànda ùtwila mashi.” Ùwva mbukwendè bwànyì wa balùme. Kuyayè, ùwva ne mashi àlwa munda pààkafwà mamwèndè apu. Cìwva ànu cimwenzè cikùmà cibì.

247 Pashìishe mémè mwimàne mwab’ewu ditùkù adi, mémè kwambula Bible ewu. Mémè kwamba ne: “Taatu, ncyèna mumanyè. Pàmwàpa cidi ànu dinanga Dyèbè, Kùwva mundejè diya dyèndè to. Kàdi ndi mucibùlùke bikolè, Nzambi. Udikù mwà kumpèèshe ànu dīyì kampànda dyà busàmbi mu Dīyì Dyèbè anyì?” Mémè ne: “Mbalèku ànu cintu kampànda cidi ciikàle busàmbi, cyà cinsàmbakù.” Mémè kulekela ànu Bible ùdìbuululukila mùshindù ewu. Ki cyòci aci, màleetà manène makùnze ne: “Kì mmufwè to, kàdi mmulààle tulù.” Ki mémè kubwela mu cibambalu. Twètù kuya mu tulù.

248 Lwà pa dìbà mwandamukùlù, mu dindà dyà pàakacyabù, mémè kujuuka. Bàvwà ne cyà kumulongolola, lwà pa dìbà nkànkàlà apu, ki twètù kupwekamù bwà kamumòna. Meda kupàtukayè bwà kuya kangacila bânà didyà dyà mu dindà, ne Joe mwànà ùdila mwadi. Becky mu ditumba, mutùngùnùke

ànu ne kudila ne: “Ngaadyàkumònakù kàbìdì kaakù wanyì awu anyèè?”

249 Mémè ne: “Èyowà. Èyowà. Neùmumònè. Ùdì ànu dyàmwàmwa, wàbàndì bibàndilu.” Mémè ne: “Yèyè, netùmumònè cyàkàbìdì.” Ne yèyè wa bwalu ùvwa munangè bânà bakesè abu, nudi bamanyè’s.

250 Nènku, pa nànkù, ne bônso bàvwa mu myadi ne: “Tudikù mwà kumòna kaakù mu mapingaja emu anyèè?”

251 Mémè ne: “Nudi mwà kumòna mubidi wùvwàye musòmbèlemù, kàdì kaakù wàbàndì bwà kiikalayè ne kakwènu mukàjì mukwàbò awu, bàdì muulu mu Dyulu.”

252 Kadi Joe kàvwakù mufwànyine kucyùmvwà to, mwanàànyì mukèsè wa balùme ewu, nudi bamanyè’s. Kàvwakù yèyè ànu mufwànyine kucyùmvwà to. Kwambayè ne: “Pashiishe kaakù neàtuulukè àlukilè dilòlò edi anyi’s?”

253 Ki mémè ne: “To, to. Ncyèna mumanyè ne ndìbà kaayi dyàlukilàye to. Pààlwà Yesù apu, yèyè neàlukilè.”

254 Nènku mvwa mwimàne mwaba awu. Ki mémè kukùdimuka, kubwela mu cibambalu amu. Kàdì pàngààbwedì. . . Kanùndòmbu bwà mémè kucyùmvwija to. Kakwènakù mùshindù wà kucyùmvwija to. Mémè kudimòna mwimàne mwaba awu, mùshindù ànu wùmfwèwùmfwè wùndì mutàngile mu batèèleji aba ewu. Ne mvwa ndombola misambu. Kacya ncìvwakù mwanjì kwenza aci to. Ncyèna nànsha mumanyè kwimba to, nànsha kakesè. Pa nànkù, nyawù pàvwa musùmbà munène wà bantu, munène menemene.

255 Ku *elu* luseke, dì—dìbàlaasà adi òvwa òmwèka bu ne, òvwa pambèlu, kaa, ncyèna mumanyè munùdì nwènu bafwànyine kucibiikila to, cyenzè bu kwìnshì kwà kakùnà nànkù, ne cyenzè mùtù nzùbu mwalàbàle wa sèndèmà aku. Ne civwa ciyè kule, milongo ayi’s, yìvwa mu mùshindù wà ne bìvwa bìkèngela kuyibàndishabò mùshindù *ewu*, mu mùshindù wà ne bàvwà kule menemene mu ndekeelu abu bàvwa ne cyà kutàngila mùshindù *ewu*. Kàdì ànu munkaci amu. . . Ànu milongo yisàtù cyanààna, mùshindù *ewu*. Ne lwà munkaci amu mene bìvwa ànu bu milongo miitèèkamù, ya bânà bakesè bàdì ne tunèkè, bacibùkile panshi balàadika mu milongo ayi.

256 Nènku mvwa muvwàle nkooci mufiikùlùke, mwikàle ngimba ne: “Lwàyi naabò mùneemu, lwàyi naabò mùneemu, lwàyi ne bânà bakesè kùdì Yesù.” Tutu twimba nànkù mu èkèleeziyà, bikolè, nangàngà mu dilàmbula dyà bânà. Nènku kùvwa, cyenzè bu ka—kazùbu mwaba awu, mùvwà bantu bàà bamanyìke bikolè basòmbèle, ne cyambilu civwa pabwìpi ne kòkù aku. Kàdì mémè mvwa kwìnshì aku, ndombola misambu. Ki dyàkàmwè, mémè mwimàne mwaba awu, nditàngila, dìbà adi. . . Kaa, kanùteeci bwà kunana lungènyì bwà kucyùmvwakù to, bwalu kanwàkucyùmvwà to. Pashiishe pàngààfikì *apa*, dìbà adi

kulwaci *apa*. Ncyèna mumanyè to. Myaba yìbidì ayi kwendelayi pàmwè. Nènkù cidì . . .

Ncintu cìmpè pàdì bìbidì byèbè abi byèndela pàmwè.

257 Ndi ne cyamù cyà fòtò mwaba awu. Pàmvwà ngenda ndwa apu, ncìvwa mumanyè mwà kukwàta fòtò to. Mémè kutàngila mu cintu aci, kàdì, mulùmýànà, mvwa mwà kumòna bintu bitaanu anyì bisambòmbò bishiilàngàne. Pa nànkù mémè kujaalamija ntàntà wa dicìmwèna. Billy kungambila, wàmba ne: “Jaalàmija ntàntà wa dicìmwèna, ne byònsò bìdì bìlwa cìmwèpelè.”

258 Mmèeji mìmpè bwà kwenza nànkù, nudi bamanyè's. Udi umòna bintu bishiilàngana paùdì ubanga kujaalamija ntàntà wa dimwèna apu. Nènkù kwàta mudimu ne Dìyì dyà Nzambì bu cijaalamiji cyà diMumwèna, nènkù neù—neumonè cìndì ngamba aci. Kàdì anjì Dyàngàtè mu dijaalamija dyà dimòna, dyàmbedi, wamònu's.

259 Nènkù mémè mwimàne mwaba awu, ntàngila, ki mémè kubwela mu cikèèna-kumòna aci. Ne pàmvwà mwómò amu apu, mémè kumòna muntu wa mwendè luumù wàlukila lwà mu ndekeelu mwà mwaba awu. Ne bóbò bàvwà. . . Mémè kwamba ne: “Èè, ùdì ùlwa ku kazùbù kàà bantu bamanyike bikolè kwàka.” Kì kulwaye wènda wènda mùshindù *ewu*. Kì mémè kudyàmbedila ne: “Èè, nêngànji kwimba kàbìdì pàdì inàbànzà wàwa wènda ùlwa pààpa.” Ùvwa muvwàle mvwàdilu wa cyena-kale.

260 Mpindyewu, bàmwè bàà kunùdì nwènu bainàbànzà nenùvulukè cyòcì eci, pàvwàbo bàvwàla jipè yà mùshindù kampànda, bu mùdì, lwà *apa*, ùvwa mupwekè too ne kwìnshì lwà kumutù kwà bisàbaatà byà nshinga abi. Ne bàvwà ne cintu cyà mùshindù . . . Nutu nubìkila bintu abi ne mbinganyì, cyà bwena—cyà bwena cidì inàbànzà udi apa ewu naaci mpindyewu eci? Bùluuzè bwàbwa. Bùluuzè, cìmwè cyà ku bintu byà mùshindù awu abi, ne cìvwa ne mabòko male menemene. Nudi babìvùlùke anyì? Ne bùvwa bùbànda ne ku nshìngù eku, ne mbòta mukèsè wa mùshindù kampànda wa cintu ciikàle cibwela munda emu. Pashìishe, mwasè cìfulu cinène menemene, cibùnya ku luseke. Nènkù bainàbànzà, mu matùkù awu, bàvwà ne nsukì mile. Pa nànkù bàvwà bàyìkòka kwìnshì mùshindù *ewu*, ne bààsapù cìfulu, ne bààsapù mpengèle, nudi bamanyè's, bwà kucilamapù, bwalu bìvwa bikèngela bwà kubàndabò pa kabalù ne mìkòlò mitùma luseke lùmwe ne bikwàbò.

261 Nènkù inàbànzà ewu ùvwa wènda ùseemena, ne bantu bònsò bàvwà bàneemeka inàbànzà ewu. Kì mémè kudyàmbedila ne: “Èè, ùyaaya ku kazùbù kàà bantu bàdì bamanyike bikolè aku.”

262 Pa nànkù, dìbà adi, mémè ne: “Bwà musangu ewu kàbìdì, bònsò bàdì *elu* luseke abu: ‘Lwàyi naabò mùneemu.’ Mpindyewu lwà *kùneeku*: ‘Lwàyi naabò mùneemu.’ Pashìishe bònsò bàdì

munkaci, bônso pàmwè mpindyewu: ‘Lwâyi ne bânà bakesè kùdi Yesù.’”

²⁶³ Ndi mwenzè ànu ngamba nànkù, inábànzà ewu ùkaavwa mumbè mbwelè ne mu kazùbù aku. Mvwa mwà kumòna ne, pààkabwelàye mu kazùbù aku, bantu bônso bààkajuuka kuulu. Ne bàvwa bu bàdì bènza nùnkù ewu, bamusekelela, ne yèyè ùbàsekelela.

²⁶⁴ Mémè kudyàmbidila ne: “Èè, díbà dyákànyì dyà mémè kuyiisha. Nènye kasambidila babèèdì bàba.” Mémè kubànda mu—mu cyambilu emu, nùnkù ewu, ne kazùbù aku kàvwa ànu, kaa, pabwìpì ànu mùdì mwanèètù wa balùme udi musòmbe apa ewu. Ki mémè kukùdimuka, mùshindù ewu.

²⁶⁵ Mémè kudyàmbidila ne: “Èè, mpindyewu, inábànzà wàwa neinamè kumpalà kwànyì, bwà ngaamòna ànu mwà kumusekelela.” Nènkù ndi mwenzè ànu nkùdimuka anyì, yèyè ùkaavwa mumanè kwikala ne mutù wèndè mwinyika, nunkù ewu. Mémè mvwa ngiinyika mutù, nùnkù ewu. Ne pàngábàndulukù, musangu wùmwèwùmwè awu, ntwilangana nendè, ùvwa m’maman, nsongààkàjì, mulenga wa dikèma.

Mémè kumutàngila. Mémè kwamba ne: “Maman?”

Yèyè ne: “Billy.”

²⁶⁶ Ne ànu díbà adi, mikenyi kubangayì kwela myaba yònsò mu citanda amu, mikungulu yìdila, ne dinyùkusha kulwadì. Ki Díyì kwambadi ne: “Kùcìnyì bwà mamwèbè to.” Dyòdì ne: “Ùdi mùshindù wùmwèwùmwè wùwàye mu cidimu cyà 1906 awu.”

Ki mémè kwamba ne: “Cinyì, cidimu cyà 1906?”

Ki Meda kwambayè ne: “Mbwalu kaayì ebu wèwè’s?” Mukàjàànyì.

Mémè ne: “Munanga wanyì, cidimu cyà 1906, cidimu cyà 1906 cìvwa ncidimu kaayì aci?”

Yèyè ne: “Bwà cinyì?”

Mémè ne: “Mu cìkèèna—kumòna, ndi mumòne maman mwimàne ànu mwaba ewu mene.”

Yèyè ne: “Wèwè kumòna cinyì?”

Mémè ne: “S’ndi mumòne maman.”

Yèyè ne: “Bushùwà anyì, Bill?”

²⁶⁷ Mémè ne: “Èyowà’s. Yèyè’s ùvwa mwimàne mwab’ewu mene, ne ùvwa mulenga wa dikèma. Ki Yèyè kwamba . . .” Mémè ne: “Ùvwa ànu nsongààkàjì wetù ewu’s.”

²⁶⁸ Ki mémè kuya kangata bibùcilu byà kale byà fàmiyè. Nudi bamanyè cìvwayè mu cidimu cyà 1906 amu anyì? Mukàjì-musèla wa tààtù. Ki cidimu cyàkasèdiibwayè. Mpindyewu ùkaadi citùpà cyà Mukàjì-musèla mukwàbò, Mukàjì-musèla wa Mukalenge Yesù.

269 Muntu kampànda wa ku mwaba kampànda mmuntùmìne cìcyelè cyà meeyà àtaanu. Ndi naaci mu mpaaya mwànyì emu, cyà mu cidimu cyà 1906.

270 “Ne Yèyè, Nyumà Mwîmpè, pààlwàYe, Yèyè neànùbuulwile maalu àndì Mémè mwambè aa, ne neànùleejè maalu àcìvwavwà.”

271 Mpindyewu, ncinyì aci? Lwendu lwà bulembi lùvwa ànu lùngiibaka cyanààna, nudi numòna’s. Lùmwe lwà ku ngendu yà mitàmbe bwîmpè yínkaadiku mwenzè, mumanyè eci, cìkùmìnà cinène eci. Cìvwa ndinanga. Nèngu, mwanèètù wa balùme, mwanèètù wa bakàjì, pìikalàbi ne bìkèènà-kumòna bikwàbò byònsò ebi bìvwa ànu mu byòbì menemene, byà cìdì Nyumà Mwîmpè muleejè, cìdì ne cyà kwikala Nyumà Mwîmpè. Bible mmwambè, ne: “Cyòcì cyenzèke, dìbà adi ùvwa n’Yèyè.”

272 Dìbà adi, ditèkemena kaayipu ditùdì naadi’s wè! Dìngà ditùkù twadyàkushiyangana ne mwaba ewu. Netwàlukilè ku nsongààlùmè ne nsongààkàjì, bwà katùcìyikù mwà kufwà kàbidì to. Mbîmpè ngiikalè mumanyè nànkù pamutù pàà kumanya ne nèngiikalè mfùmu wa buloba bujimà ne kwikala ne mwoyi bidimu mùliyò mujimà. Mbitàmbe bwîmpè ngiikalè mumanyè ne ndi mu cyanza cyà Nzambì.

273 Ne ndi ne disànkà dyà kumanya, dilòlò edi ne, Yesù umwèumwè wàkamba dîyì adi awu, Ùdi kaaba aka, paanyimà pàà bidimu binunu bibìdì. Nwamònu’s, kaCyènakù mwà kubùtuka to. N’Cyà Cyendèlèlè. Ne Yèyè ùdì ànu Yesù umwèumwè awu dilòlò edi mùvwàYe ditùkù dyàkambàYe dîyì edi amu. Ne Yèyè neàtungunukè ànu ne kushìndika Dîyì adi, bu twètù mwà kuDìitabuujà. Nudi nwitabuujà nànkù anyì?

274 “Yèyè, Nyumà Mwîmpè, pààlwàYe, Kààkudyàkwila to. Kàdi neÀngatè maalu, a kùndì Mémè,” ki Dîyì ndyòdì adi, “ne neànùleejèwu. Ne pashìishe, kàbidì, Yèyè neànùleejè maalu àcìvwavwà.”

275 Mu Mukàndà wà—wà Ebèlù, nshapità mwi4, Bible mmwambè ne: “Dîyì dyà Nzambì nditwè. . .”

276 Mpindyewu, Dîyì divwa Nganyi? Yesù. “Ku cibangidilu kwàkadi Dîyì, ne Dîyì dyàkadi ne Nzambì, ne Dîyì dyàkadi Nzambì. Dîyì dyàkavwijibwa mubìdì. Dyàkasòmbela. . .”

277 “Dîyì dyà Nzambì nditwè kutàmbe mwelè wà mvità kanà wònsò, ditùbula too ne ku dipandulula, too ne ku bwongò bwà mifùbà, ne Dìjinguludi dyà meeji a mu mwoyi.”

278 Ki wetù Nzambì nyawù. Katwèna bajìmine to, balundà bàànyì. Tucidi ànu mu ngàsà wa Nzambì. Ndi—ndi ndyùmvwa, bwà kwakula bwà cintu kanà cyònsò, ne kwakula pa cikondo cyà kale. . .Ne ànu mungàmbì makèèlèlè dilòlò amu, mùvwà bayiidi abu bàteeta bwà kwikala ne mwoyi ku disangisha divwàbo naadi ditùkù divwà didyànjlè, bindilè dikwàbò, kàdi

bapwè mwoyi ne Mufùki mene wa cipeepèlè ne mavwala awu nguvwa mulààle mu bwàtù abu awu.

²⁷⁹ Nzambi uvwa kuulu kwà mikùnà ayi awu, bwà kutèèka ours wa lwonji wa cisengàsengà awu, bilondèshile Diyì Dyèndè, aci's cìdi cisanganyibwa kwàka panshì apu, bu cileeeji.

²⁸⁰ Mpindyewu, wèwè uringa kufùndila muntu awu mukàndà, fùndilà ànu Bud Southwick, S-o-u-t-h-w-i-c-k, Bud Southwick, Fort Saint John, Colombie Britannique, kàdi yèyè àkufùndilè dyandamuna mu mukàndà. Ne byòbi biine, wèwè muswè kuya mu lwendu lwà bulembi, ki muntu mwímpè wa kuya nendè nyèyè awu.

²⁸¹ Mpindyewu mònaayi. Yèyè mmucilondèlàngàne munkaci mwà bilembi byònsò mu njila mujimà amu, mu mùshindù wà ne ndi ngeela meeji ne nèngènzè disangisha ànu dyètù dyà cyà bushùwà edi musangu wàlondà wùngààyaku, ànu ne balombodi pa bòbò, èyowà's, pa kumòna bintu abi byènzeka mùshindù wùdibi byènzeka ewu. Aci cìvwa ncidimu cishààle eci.

²⁸² Eci ng'eci cidimu, mpindyewu mene. Yesù umwèumwè wàkafila mulayi awu awu, wàkamba ne: "Ncyàkunùshiya ne ncyàkunùlekelakù to. Nèngìikalè neenù misangu yònsò, too ne ku ndekeelu kwà buloba." Nudi nwitabuuja nàнку anyi?

²⁸³ Ne bileeeji byà mùshindù awu, ne bulelèlà bwà mushindù awu bushindikà, bulelèlà bwà cyà bushùwà, mmunyi mutùdiku mwà kudyùm vwa mùshindù mukwàbò kanà wònsò kawùyì wà bafwànyine ànu kunanga kupicila mu musàkà wàwa, ne kwambwibwa? Tukàadi balekèle bintu byà pa buloba bitùcipàje, mu mùshindù, wà ne, tudikù tumòna bintu byà musinga mutàmbe bunènè bìdì bulelèlà, bijaadikùibwe ne m'bulelèlà ebi anyi?

²⁸⁴ Mpindyewu, mubèèdi yònsò mwab'ewu, bu wèwè ànu mwà kwitabuuja ne Yèyè umwèumwè wàkafila mulayi awu awu, ne ku Yèyè umwèumwè wàkuumusha disaamà dyà ciseki adi pa nsongààlùmè awu, muntu awu, Yèyè awu n'Nzambi umwèumwè awu udi mwab'ewu mene mpindyewu. Bu ne mèmè mvwà kukuumushaci, mvw'a kucyènza, kàdi ncyèna mwà kucyènza to. Yèyè ùkaadi mumanè kukupetela cyòci aci, ne cintu cìmwèpelè cìdi cikèngela bwà wèwè kwenza nkuciitabuuja.

²⁸⁵ Anji ambààyibi tǔng bu ne nsongààlùmè awu ùvwa mupalùke, ne mukàji mukesè awu kwambayè ne: "Mpindyewu, bwà mutèèlù awu mwab'ewu bùdi penyi?" Pàmwàpa kacìvwakù cifwànyine kwenzeka pa muntu mukwàbò nànsha umwe to. Nwamònu anyi? Ànu pa yèyè awu, bwalu cìvwa cimutùmina yèyè. Naamànà wàkadyèla mu musùlù awu misangu mwandamutekète; kàdi mukwàbò muntu, ùdyèlamù, kàvwa pàmwàpa mwà kwondopiibwa ku nsudì yèndè to. Nwamònu anyi? Kàdi mònaayi. CìdiYe Yèyè wàmba ki cìdi bulelèlà, bulelèlà bushindikùibwe, bupwàngàne.

286 Mpindyewu, dîbà dîkaadi dyènda dipîta, bwà kubîikilakù nànsha mulongo wà babèedi. Twànji—twànji twimanyikàayi aci bwà katanci kakese cyanààna.

287 Twèlanganàayikù ànu meeji cyanààna. Cyôci aci ki cyàkalayà Nzambi anyi? Nyumà Mwîmpè mushùwashùwàlè's ngudi mufwànyine kwenza aci. Ncyà bushùwà anyi? Èè, nganyi udikù mufwànyine kwamba ne Kàvwa Nyuma Mwîmpè? Úvwa n'Yèyè. "Mémè ne Taatù Wanyi tudi Umwe." Nyumà Mwîmpè nguvwa Tatw'Èndè. "Nsongàakàji awu neàlèlè. Cintu cyà Cijila cidì ciimicîibwe munda mwèndè aci ncyà kùdi Nyumà Mwîmpè." Nànku, Nyumà Mwîmpè ne Nzambi bàdi Nyumà umwèpelè awu, ne Yèyè nguvwa munda Mwèndè.

288 Kàdi tàngilàayi nùmonè cyàkenzàYe pàakalengà mukàji kampànda civwàlù Cyèndè, pàakatàngilàYe pa batèeleji ne kujingulula meeji àbò apu. Dìyì kadyèna dyàmbakù, ne: "Dìyì dyà Nzambi nditwè kutàmba mwelè wà mvità wà nseke yibìdi, Dijinguludi dyà meeji a mu mwoyi" anyi? Yèyè kènà ùlayakù, mu Yone Munsantu 12, ngyà Yone Munsantu 14.12, ne: "Ewu udi ungiitabuuja Mémè, byenzedi bìNdi ngenza yèyè neàbyènzè pèndè" anyi? Anyi, kacya cikaadikù cipangile, kàdi kacyi bulelèlè anyi?

289 Nànku, Nzambi ùdi kaaba aka. Ùdi kaaba aka bwà kusàngaja muntu yònsò udi kaaba aka. Ùdi kaaba aka bwà kusungila musùkà wònsò wùdì mujimìne. Ne kumpàlè kwà kwenza dibîikila dyà ku cyoshelu, mùndì ndyùmvwà mulombòdîibwe, nwamònu's, bwà kwenza dibîikila dyà ku cyoshelu edi, twànjàayi ànu kuMusòka Yèyè. Mbanganyi bàà kunùdi bàdikù baswè kujimija, anyi kwamba ne: "Bu mémè mwà . . ." Pàmwàpa beenyi bàdi mwab'ewu, bàdi bàmba ne: "Ncítukù mwanji kumòna òmwè dyà ku masangisha awu to. Nkààdikù—nkààdikù muumvwè bantu bàmba bwà bintu ebi, kàdi kacya ncyà bushùwà ne ncítukù—ncítukù mwanji kubimòna to. Mbifwànyinekù kunkolesha ku mwoyi bu mémè mwà kumòna Bwikadi mene bwà Kilstò bülwa munkaci mwà bantu ne bwènta cintu cimwècimwè cyàkenzàYe Yèyè aci." Ncifwànyinekù kunùkànkamika anyi?

290 Twìnyikàayi mitu yètù; dìyì kampànda. Disù dyònsò dibwita. Mpindyewu shiilaayi Nyumà, udi ulonda Dìyì awu.

291 Mpindyewu, Taatù, mémè, ku dyànyì pàanyì dimanya, Wèwè ngudi mumanyè mwoyi wànyì. . . Bu mùdîbi ne bantu aba bàdi bàtata mu luuyà lukolè elu, ne mbapàte patapata, biimàne kuulu, kàdi mbaleejè lutùlù lwàbùngì. Ndi mwà kudifwànyikijila ne wùvwà mmusumbà wà mùshindù wumwèwùmwe wùvwà mwimàne ku mwelelu wà màyi ditùkù adi biikàle bàKutèeleja wakwila mu bwàtù. Ne pashiishe Wèwè kubàmbila ne: "Sàkaayi bwàtù mu màyi a ndòndò nwèlè

bukòndò bwà dilòba.” Kabiyi ne mōnaayi ní mùdi mishipa to. Yìvwamù.

²⁹² Ne mùshindù mwinè wùvwà mèyì a musinga mukolè a mùpostòlò awu mambè ne: “Mukalenge, tudi balòbe ne bukòndò bwà cyàtá bufùkù bujimá katùyì bakwàte kantu to; kàdi nànsha nànkù, ku Díyì Dyèbè netùpwekeshè bukòndò.” Nènku pààkatùmikilàbò Díyì Dyèbè, bàakabooya mìntùtá ne mìntùtá yà mishipa, mu mùshindù wà ne makòndò àbò miinè àkaavwa àmba kupandika.

²⁹³ Mukalenge Yesù, kakùyì mpatà to bakàjì bààbùngì bàvwa bashiye byà disukula mu dindà adi, balùmè bààbùngì bashiye madimi àbò, byà dipòlò, balobi bashiye makòndò àbò, bwà kutèeleja Díyì dyà Nzambi. Mukalenge Yesù, bu ne Wèwè uvwa kaaba aka mu mmwènekèlu wa mubidi dilòlòlò edi, mbyà dyela mpatà mikolè ne, kùvwa kufwànyìne kudìsangisha bantu bapìte bàdì badìsangìshe aba. Kàdi bantu aba bàdi bìitabuujá ne Wèwè kwèna mufwè to, kàdi Udi mubiishìbwe ku bafwè, ne Udi umwènèsha Díyì Dyèbè ne ushààla mukwàte ku Díyì Dyèbè, Díyì dìngàbàbadìdì mu Mifundu yà cijila dilòlòlò edi eyi.

²⁹⁴ Ne ànu mwàkapèeshàbò musangu kampànda Mukalenge wetù Bible, anyì Mukàndà muvùnga awu—awu, ne kubala Yè, ne kusòmba Yè. Kì kwamba Yè ne: “Ditùkù edi Mufùndu ewu wùlù.”

²⁹⁵ Enzàku bwà cyènzekè cyàkàbìdì, Mukalenge. Byènzekèku cyàkàbìdì ne, ditùkù edi mene, dilòlòlò edi mene, Mufùndu wùngààbadi ewu wùlè. Ne twètù bònsò tudi balongèshe, munda mwà lumingu lujimá elu ne, cìvwa ne cyà kwikala cintu ciinè cìvwà ne cyà kujaadika cikondo cyà nshìikidilu aci. Ne pashiishe myoyi yètù neyùmukè, yìye ne disànka.

²⁹⁶ Kùdi mwà kwikala bààbùngì kaaba aka, Mukalenge, baùdi Wèwè wakula naabò. Tùkwàcìshèku dilòlòlò edi bwà kumanya Díyì Dyèbè, Díyì Dyèbè didì dishìndika ne didì m’Bulelèlà adi. Enzàku nànkù, Taatù.

²⁹⁷ Ne patùdì ne mitù yètù miinyika, ànu mu mùshindù wà mmwènenu mucincínka apa, bwà kuditùujakù ku kuyiisha. Mbanganyì bàà kunùdì mwaba ewu, bàdi kabàyi menemene beena Kìlistò balediibwe cyàkàbìdì? Mpindyewu, udi mwà kwikala uya mu èkèleeziyà, kàdi kí ng’aci cìndì mèmè nkonka nànsha. Udi. . . Wèwè kùyì mwena Kìlistò mulediibwe cyàkàbìdì to, kàdi mwikàle wìtabuujá ne kùdi Yesù udi ne mwoyi, Nyumà Mwîmpè mulelèlà, ne ujinga bwà bàkuvùlùkè kùdi Yè mpindyewu, udikù ànu, pàcìdì mutù wònsò mwinyika mpindyewu, ne mèsù mabwita apa, kwela ànu cianza cyèbè muulu kudi Yè ne: “Mukalenge, wamvùlukakù” anyì? Nzambi àkubènèshè. Nzambi àkubènèshè, ne wèwè, ne wèwè. Nzambi àkubènèshè. Nzambi àkubènèshè. Abi’s mbilenga be. Kùdikù bakwàbò anyì?

298 Mpindyewu, katwèna bààbúngì menemene to. Kàdi, nudi bamanyè ne, bàà pa buloba mbàdi bàkèbangàna ne bintu binène ne midità ne midità yà bantu anyi? Bu mutwám̄bi dilòlò dyà makèlèlèlè ne, kàvwà ànu kaadíyì kakesè kabwengètèke, ki kààkakòkà mupròfetà bwà kuseemenayè ne mpàla mubwikila.

299 Mpindyewu, ikàlaayi ne diitabuuja kùdi Nzambì. Mwanèètù wa balùme, mwanèètù wa bakàji, ikàla ne diitabuuja kùdi Nzambì. Nènku bu Mukalenge wetù munènè, Yesù wa musàngeelu awu mwà kulwa mwaba wùdi Dìyì edi ditèèkìibwe ewu, Dìyì Dyèndè Sungasunga, dibuulula, ne kunùjaadikila ne Nyumà Mwìmpè ewu, ùndi ngamba ewu, ùdi Bulelèlè! Udi mufwanyine kwikala mupetè cibwejàkàji misangu yàbúngì mu bintu byàbúngì, kàdi bìdi bìlejeja ànu ne kùdi Cilelèlè mu mwaba kampànda. Ne pàdiYe wènza cyòci aci, ndi muswè bwà nwènù bédì byanza muulu abu, nùlwe, numonanganè naanyi, bwà katanci cyanààna.

Mpindyewu nudi mwà kubàndulukaayi.

300 Mukalenge Yesù, angàtaku disangisha edi mu byanza Byèbè mpindyewu. Mèmè ndi musadidi Webè. Ne diyìisha dyònsò adi. . . Dìyì òmwè cyanààna dyà Kùdi nediiikalè ne musinga kutàmba byònsò bitùdiku twètù bafwanyine kwamba mu nsòmbelu wetù mujimà; Dìyì òmwè cyanààna. Enzàku nànkù mpindyewu, Taatù, pàndì ndàmbula cyòci eci, majaaniki awu apa. Wèwè's udi mumanyè ne mmalelèlè, Taatù. Wèwè ngUvwa muàfile. Ne kacya kabitukù byanjì kupangila to. Enzàku nànkù, mu Dìna dyà Yesù. Amen.

301 Mpindyewu, mbantu kaayi mwab'ewu, bàdi kabàyi ne twartà twà disambila, biikalè bàsaama? Elàayi byanza byènù muulu, myaba yònsò mu citanda, aba bàdi kabàyi ne twartà twà disambila, ne babèèdi. Èyo. Nènku aba bàdi ne twartà twà disambila abu, elàayi byanza byènù muulu. Ànu bu bàdi búngì bwà mwòmùmwè. Ne bònsò mbasambàkàne.

302 Mpindyewu, bwà kutàngila pa batèeleji, dyàmbedi, bwà kwikala ne meeji matòoke kumpàlè kwà Nzambì, ne kumpàlè kwà. . . kwènù nwènù. Ndi mumanyè ne, ndi munkaci mwà kutàngila *apa*, kùdi bàmwè balundà bàànyì basòmbe mu *edi* ditumba. Mwanèètù Noel, wendè—wendè. . . ne Mwanèètù wa bakàji Jones, ne Mwanèètù Outlaw, mwanàanyi wa balùme, bàna bèètù bàà balùme *aba*, ne Mwanèètù Moore. Ncyèna mumanyè mwanèètù wa balùme *ewu* to, kàdi nkàadikù mumumòne mu masangisha, ndambù wa misangu mishààle eyi. Ncyèna mwà kumanya dìnà dyà mwanèètù wa balùme *ewu* to, nànsha yèyè, kàdi ndi mumumanyè ànu mpàla. Mwanèètù wa bakàji udi *apa* mene ewu, Mwanèètù wa bakàji Williams. Mwanèètù wa bakàji Sharrit musòmbe mu ditumba. Paanyimà menemene mu ndekeelu mwàmwa mùdi bàmwè bantu bàà ku tabernacle mu Jeffersonville.

303 Udi musòmbe ànu apa mene ewu mmulundà wanyì wa kale wa musinga mukolè, wa bidimu makùmì citèemà, udi mufùmìne ku Ohio, wèndesha kàshinyì ùkòsolola ditunga dijimà. Ne mèmè nèngùumukè nye ku Àfrikè, kàdi yèyè ne mukàjèndè mulenga awu mbandòmbe ní bàdikù mwà kuya naanyì ku Àfrikè. Bambè ne: “Netufutè . . .” Ne bidimu makùmì citèemà, mwanèètù wa beena Allemagne, uvwa kacya kàyikù mumanyèku Mukalenge to. Pàngàakayiishà dilòlò kampànda, kulwayè ne bilàmbà byèndè byà bimpè pambidi, bwà kubàtijiibwayè. Ne bidimu makùmì citèemà’s! Pa kuumusha . . .

304 Ngeela meeji ne, kaa, ewu m’Mwanèètù Waldrop ne Mwanèètù wa bakàji Waldrop bàdi basòmbe pààpa bàbà. Mpindyewu, ki pàmwè ne bònsò bwà bāndi . . .ne Mwanèètù Borders. Mpindyewu, aci mpàmwè ne bònsò.

305 Mpindyewu, s’nyawù mbàtèèla mu mènà. Mpindyewu, nwènù bàdi bammanyè mùshindù awu abu, kanùsambidi to. Nwamònu anyi? Nùnsambidilaayi mèmè. Nwamònu anyi?

306 Kàdi ndi muswè bwà nwènù bàdi kanùyì bammanyè, ne bamanyè ne mèmè ncyèna munumanyè abu, ndi muswè bwà wèwè kwamba mu mwoyi wèbè ne: “Mukalenge Yesù, nkàadi muumvwè bàlonda bwà cyôci eci. Ndi—ndi mutèèlèje mwambi ewu ùbala cyôci eci mu Bible. Ngàtèèlèji majaadiki awu, ne nkàadiku muumvwè a mafwànàngàne, udi mumanyè, a bikondo bishiilàngàne bìvwà cyôci eci cyenzèke. Tukàadi pabwìpì ne nshìikidilu mu mùshindù awu anyi, Mukalenge? Tukàadi pabwìpì mu mùshindù awu anyi?”

307 Vùlukàayi ne, pààkenjiibwà cimanyinu aci bwà Sodomà, cimenga cyàkooshiibwà aci, Yesù wàkaleedilakù, wamba ne: “Ànu mwàkadìbi . . .” Aci ki cìvwà cimanyinu cyà ndekeelu cyàkapetàbo kumpàlà kwà cimenga aci kubùtudiibwaci. Ne Yesù wàkamba ne aci necyènzuludiibwè ku dilwa dyà Mwànà wa muntu.

308 Mpindyewu, nudi bamanyè ne aci ncyà bushùwà, mùvwà cyôci aci . . .Nzambì awu, Nzambì mu mubidi! Mbanganyi bàdi bamanyè ne ùvwà n’Nzambì wàkula ne Abraham? Eyowà. Èè, Bible ùdi wamba ne, “Elohim,” pa nàнку, awu—awu m’Mufùki mu—mu—munène wa maulu ne buloba, Udi udikumbanyina mu byònsò awu. Ki cìvwàYe.

309 CìvwàYe ùleeja aci ncinyi? Ùvwà mu mubidi wà buntu, mwimàne mwaba awu ùdya munyìinyi wà kànà kàà ngombe, ne ùnwà mabèlèlè a ngombe, ne uvwa mwà kujìmìna ku mèsù awu. “Nènkumwènèkèlè bilondèshile cikondo cìNdi mukulayè aci.” Nwamònu anyi? Wàkamubiikila mu dìnà. Ne Yèyè mwelè nyimà, kwamba ne: “Sarah ùdi penyì?”

Yèyè ne: “Ùdi mu ntentà paanyimà Pèèbè apu.”

Yèyè ne: “Nènkumwènèkèlè bilondèshile cikondo cyà mwoyi.”

310 Ki Sarah ne: “Hmm, hmm,” paanyimà mu ntentà amu.

311 Yèyè kwamba ne: “Sarah wàsekì bwà cinyì?” Vùlukàayi ne, Bible mmwambè ne ùvwa mu ntentà paanyimà Pèndè. Yèyè ne: “Sarah wàsekì bwà cinyì?”

Sarah ne: “Ncyèna musekè to.”

Yèyè ne: “Èyowà’s, s’wàsekì.” Nwamònu anyi? Ncyà bushùwà.

312 Muntu mwimàne mwaba awu, Nzambì muDìleejè mu mubidi wà buntu. Yesù mmwambè ne necìikalè cintu cimwècimwè aci ku dilwa dyà Mwànà wa muntu: Nzambì mu Èkéleeziyà Wendè, wèwè, mèmè, ùDìleeja’s. Mpindyewu, kùvwa mukàji mukesè kampànda . . .

313 Pàvwà Nzambì munda mwà Kilistò, Yèyè ùvwa ne Nyumà mu kaabujimà. Ùvwa Nzambì. Mèmè ndi ànu umwe wa ku basadidi Bèndè, ne wèwè udi umwe wa ku basadidi Bèndè. Tudi ne—ne Nyumà mu—mupima. Yèyè ùvwa Nèndè kàyi mupima to. “Munda Mwèndè mùvwa kaabujimà kàà Bunzambì mu mùshindù wà mubidi.” Munda mwànyi mèmè mùdi ànu kaadipà kakesè cyanààna, mu wèwè mùdi dipà, dyà kùdiYe. Kàdi, nànsha kiikàle kakesè kàà bishi, n’Nyumà umwèumwè awu.

314 Mpindyewu, aci cyòci Nyumà wa Nzambì, Yèyè neenzè byenzedi byà Nzambì. Mpindyewu, wèwè sambilà wamba ne: “Mukalenge Yesù, mukàji mukesè musangu kampànda wàkalenga civwàlù Cyèndè.” Ne twètù tudi twamba . . .

315 Mu Dipungila Dipyadìpyà emu, mmwambè mu Ebèlù, mmwambè ne: “Yèyè ùdi Mwakwidi Munène mpindyewu mene, udi mwà kulengiibwa ku dyumvwa dyà matekètè ètù.” Mbanganyi bàdi bamanyè ne aci m’Bible? Ambàayi ne: “Amen.” [Disangisha didi dyamba ne: “Amen.”—Muf.] Bushùwà. Èè, aci cidi ne cyà kwikala cilelèlè.

316 Èè, pìikalàbi ne Yèyè ùdi umwèumwè awu makèèlèlè, leelù, too ne kashidi, mMufwànyine kukwandamuna bishi? S’ànù byà mwomùmwe ne mwàkenzàYe makèèlèlè amu, pìikalàbi ne Yèyè ùdi umwèumwè awu leelù.

317 Mpindyewu, udi usambila wamba ne: “Mukalenge Yesù, enzà ndengèku civwàlù Cyèbè. Ne pashiishe, Wèwè udi mupèèshe Mwanèètù Branham kaadipà kakesè, bwa kutùkànkamika. Ne yèyè kî mmummanyè mèmè to. (Nyewù ndi musòmbèle paanyimà menemene *apa*; ne lwà *apa*; ne *apa* nùнку; ne mwaba wònsò wùndi musòmbèle awu. . .) Yèyè kî mmummanyè to, kàdi Wèwè udi mummanyè. Nènku enzàku mmonè Nyumà Webè wa butùmbi awu, Mukalenge. Kabiya bu ne ndi ne cyà kumòna to, kàdi ànu bwà kunkànkamikakù mèmè ne bakwàbò abu, bwalu twàbadì Dìyì. Enzàku ndengè civwàlù Cyèbè, pashiishe Wèwè wàdamunè buludì. Swàku ukwatèku naanyi mudimu dilòlò edi, Mukalenge, mu kiipàcilà aku. Necileejè batèeleji bònsò ne

Wêwè ucidi ne mwoyi.” Abi mbifwànyine kwikala bilenga be bu Yêyè mwà kwenza nànkù anyi?

318 Mpindyewu, udi ànu usambila mu mùshindù kampànda, wêwè mwinè, mu cimùmà. Ambà ne: “Mukalenge, enzàku ndengè civwàlu Cyèbè.” Nènku mèmè nëndilekèlèlè kùdi Nyumà, ne pashiishe Nyumà Mwímpè ènzèku bìdi bishààla abi. Bwalu, mpindyewu, mèmè ngákùlù, ngáfidi bujaadiki, kàdi ncyèna ne cikwàbò cìndi mwà kwenza mpindyewu to. Ngàshiikidi.

319 Ndi mèmè ntàngila ànu batèèleji cyanààna, bwà kumòna ní ndi. . . Bikèngela ncimòne, nudi bamanyè’s. Aci kaayi nudi nuumvwa.

320 Paanyimà lwà ku dyàbakàji dyànyì, paanyimà menemene, lwà munkaci mu ndekeelu mwà citanda, mùdi muntu mukàji mwikàle ùsambila. Ùkaadi pabwìpi ne kufwà, Nzambi kàyi mumukwàcishe. Ùdi ne kànsèrè, ne kànsèrè aku kàdi pa dibèèlè dyèndè apu. Kaa, kacimupicikù to!

Nkwàcishèku, Éyi Mukalenge.

Mwanèètù wa bakàji, bu wêwè mwà kwitabuujakù’s! Kaa, ekèlekèle! Cyôci’s necimupitè.

Mukalenge Yesù, tükwàcishèku, nyewù tulòmba.

321 Mary May. Ki bwalu mbwòbù abu’s. Katwèna bamanyàngàne muntu ne mukwèndè anyi? Ncitu mukumanyè to. Wêwè kùtu mummanyè to. Bwalu bùvwa mbwòbù abu anyi, ne cidi. . . byònsò byàmbiibù abi mbilelèlè anyi? Nànkù, itàbùùjà. Nebijikè. Amen.

322 Mpindyewu, pamutù pa mîdimà yìvwà pa yêyè ayi, cikaadi mbukènkè. Ànu mùvwàbi bulelèlè bwà mwàna wa balùme awu, disaamà dyà ciseki adi dyàshàadi kule nendè. Nzambi umwèumwè awu, Uvwa mu diitu dyà ku nord kwàka awu, ùdi Nzambi umwèumwè awu kaaba aka. Tùngunukà wêwè ànu ne kwitabuuja. Amen. “Bu wêwè mwà kwitabuuja!”

323 Ki Cyôci eci kumutù kwà muntu mukàji udi musòmbe kumpàlè kwànyì eku ewu. Ùdi ne cintu kampànda cimusaama mu mwongo. Ndinungu dimupampàlamùke, mu mwongo. Yêyè—yêyè kí ngwa mùneemu to. Ngwa ku Montana. Dìna dyèndè m’Màndàmù Stubbs. Juukilà kuulu, akidilà dyondopa dyèbè mu Dìna dyà Yesù Kìlistò.

Kabyèna bikèngela bwà wêwè kusàkà maalu ku bukòlè to. Dilekèlèlè.

324 Muntu wa munène musòmbe kaaba aka, muntàngile, wènza nùnkù. Itàbùùjà. Neùsangalè. Udi ne disaamà dyà mutu wùnyùnguluka. Wêwè mucitàbùùje, Nzambi neàkusàngàjè.

325 Inàbànzà ne disaamà dyà bânà bakàji. Itàbùùjà nànkù, nènku udi mwà kusàngala. Alùkilà kwèbè kumbèlu, ne ikàlè ne diitabuuja kùdi Nzambi. Ngàmbi ne alùkilà kwèbè kumbèlu

333 Mpindyewu tentèkèlàngànaayi byanza muntu ne mukwèndè, nènkù twètù tùnùsambididilè disambila dyà diitabuuja.

334 Mpindyewu ndi muswè kunùkonkakù cintu kampànda, mu cimùmà. Bu Nzambi, bu Nzambi mwà kulwa kwenza cishimà aci! Cishimà ncintu kampànda cidibo kabàyi mwà kuumvwija to. Mpindyewu, wèwè muswè kwela yònsò wa ku bantu bàdi mu nyùngulukilu emu aba lukonko, ùkabàkonkè, díbà kanà dyònsò ne mwaba kanà wònsò. Nwamònu anyi? Vùlukàayi ànu ne, n'Nzambi. Ebi bìdi ànu bìkèènà-kumònà byà twànàtwànà. Nganyi—nganyi, cidi cyèzza cyôci aci ncinyi? Nnwènù, nwènù biinè. Nwènù mbàdi bèzza cyôci aci.

335 Nudi numòna's, mukàji awu pàakalengàye civwàlù Cyèndè, Yèyè wàkamba ne: “Bukolè mbupàtùke mu Mémè.” Kàdi pàakaMuleejà Taatù bwà Lazàrò, ne Yèyè kuumuka kuya ne kwalukila, ne kubùisha Lazàrò ku bafwè apu, Kààkaambakù bwà “bukolè” to. Awu ùvwa n'Nzambi ùkwàta mudimu ne dipà Dyèndè Yèyè mwine, kàdi cikwàbò aci civwa mmukàji awu ùkwàta mudimu ne dipà dyà Nzambi.

336 Mémè ncyèna dipà dyà Nzambi to. Yesù Kilstò ngudi Dipà dyà Nzambi. Cidi ànu dipà cyanàànà didiYe mumpèeshe, mùmwè ne ndi mulediibwe mùshindù awu, mwikàle ne kandòndò kàà mwoyi ne ngiikàdilù wa umanya bidì bipitakanà (wa kumpàla awu) biikàle ànu pàmwè menemene. Kwèna uya mu tulù to; udi ànu ucimòna cyanàànà. Nyumà Mwimpè ùdi ùlwa pa kandòndò kàà mwoyi ànu mùdiYe ùlwa pa ngiikàdilù wa kumpàla wa umanya bidì bipitakanà amu. Yèyè mulwè pa kandòndò kèèbè kàà mwoyi, wèwè's udi mufwànyine kupeta cilòòta cyà nyumà. PàdiYe ùlwa pa kàanyi mémè, ncyèna mémè ndòòta to. Ndi ànu ntàngila kwàka ncimòna. Nwamònu anyi? Nènku, tudì tulediibwa, kwèna mwà kudivwija cintu kampànda cyà cishiilàngàne to. Udi mulediibwe mùshindù awu. Nwamònu anyi? “Mapà ne mabiikila kì mbyà dinyingaleela to.” Mbwa kwenzabi cinyi? Bwà kumwènesha Yesù Kilstò. Yèyè ùdi umwèumwè awu makèlèlè, leelù, too ne kashidi.

337 Ne byanza byènù bitentekelangana muntu ne mukwèndè, ndi mutwishiiibwe ne neùteekè mwoyi wèbè mu ditàbaleela dyà Nzambi mpindyewu mene ne: “Mukalenge, nkenkètèku. Nkàadi mulwè mukwàcike tukùlakàji ku bintu byà pa buloba, mu mùshindù wà ne nkàadi mpangila kumòna díbà dyà butùmbi didì munkaci mwà kupita edi anyi?”

338 Nudi bamanyè's, mùshindù awu ngùtùbi misangu yònsò. Ndi picile buludì mu èkèleeziyà, kàdi kabàvwakù badimanyè to. Aci mmaalù-malonda. Kanùdilekèdikù dipita to, nwènù balundà bàanyi, bwà kumòna dìyi dijaadikiibwa, misangu ne misangu, kumòna Dìyi dyà Nzambi òmwèneshiibwa, ne Mupersonà mwine wa Yesù Kilstò ùlwa buludì munkaci mwà


bantu aba ne wënza ànu menemene mùshindù wàkenzàYe kumpàla awu.

³³⁹ Taatù wa mu Dyulu, ndi ngumvwa mpindyewu, Mukalenge, ne Dìyì Dyèbè ndibadiibwe. Bujaadiki mbufidiibwe. Nyumà Mwímpè mmupwekè ne mushindike Dìyì adi ne bwinè bujaadiki abu. Mpindyewu bwalu bùdi mu byanza byà bantu aba, Mukalenge. Bùkaadi mbwàbò bujitu bwambula. Kakwèna cikwàbò cintu cìndìku mumanyè bwà kwamba to. Ne mèmè ncyènàku mumanyè cintu cikwàbò nànsha cimwè cyŪdi mufundè mu Dìyì, cyŪdi mufwànyine kwenza to, bwalu Ukàadi mumanè kubòndopa. Cidi ànu mbwà kubàfikisha ku diciitabuuja. Ne Wèwè wenza cintu bu nùнку ewu, kàdi mmunyi mutùdiku bafwànyine kwela kàbìdi mpatà? Mmunyi mutùdiku bafwànyine kàbìdi kwanyishila Sàtaanà bwà kutungunuka ne kukwàcisha kondò kèètù kàà mwoyi tukùlàkàji?

³⁴⁰ Sàtaanà, ndi njikula dyondopiibwa edi pa bantu aba, ne nkwambila ne: “Ndi nkutùmina dìyì, mu Dìnà dyà Mukalenge Yesù Kilstò, pàtukà mwab’ewu. Pàtukà, mu Dìnà dyà Yesù Kilstò, ne lekèlà cisamba eci cìye.”

³⁴¹ Mpindyewu, nwènù baMwitàbùùje, juukilaayaaku kuulu. Nudi nwitabuuja anyi? Imànyinaayaaku kuulu, ne nùpaayi Nzambì butùmbi. Juukilaayi kuulu nucitàbùùjè. Kanùcyèdiku kabìdi mpatà to.

³⁴² Mu Dìnà dyà Yesù Kilstò, Nyumà Mwímpè àtwadilèku cisàmbà eci disànka, bukolè, dibìikà dyà ku lufù, ne Mwoyi, Mukalenge.

³⁴³ Mupàayi butùmbi mpindyewu, ne bèneshàayi Dìnà Dyèndè dyà cijila. Tudi baMunangè. Tudi tuMutùmbisha. Tudi baMunangè bikolè, udi kàyi kwambangana Nendè, Wa Cyendèlèlè, Mwànà wa Nzambi udi ne mwoyi. Mu Dìnà Dyèndè, Mwakidìlaayi. Yèyè ùdi kaaba aka. Amen. 

NYUMÀ WA BULELÈLÀ LUA63-0118
(Spirit Of Truth)

Diyiisha edi dya Mwaneetu William Marrion Branham dyakayiishiibwa bwa musangu wa kumpala mu Anglais mu diitânù dilòòlò, mu matùkù 18 a ngondo wa kumpàla, cidimu cyà 1963, mu Church Of All Nations mu Phoenix, Arizona, U.S.A. Ndyumusha pa mukaba wa mêtù ne dituuta ku cyamu mu kaabuujima kààdi mu Anglais. Nkudimwinu wa mu Ciluba ewu mmutuuta ku cyamu ne mwabanya kùdi Voice Of God Recordings.

CILUBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Dîyî dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwè anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyî wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org